

# 真福直指

上海徐家匯土山灣印書館發行

No 171

# 真福直指

上海徐家匯土山灣印書館印行

Nº 171

1000 2-33

P. And. Lobelli, S. J. 陸安德

# LIBER DE VERA BEATITUDINE

3a editio



南京主教惠

重准

天主降生一千九百三十三年

第三版印

# 天主聖教眞福直指目錄

## 上卷目次

享世福不能得眞福首章

推理能明眞福何在第二章

天主生人爲得享眞福第三章

天主十誠成人得享眞福第四章

善德成人于眞福第五章

## 下卷目次

天主深奧之理又罪之甚害第六章

天主降生贖罪完全人之福樂第七章

吾主耶穌旣成福者聖會升天第八章

天主罰罪人死後永苦第九章

天堂永福畧講第十章

一

一一

二六

三九

五五

七一

八八

一〇六

一二一

一三四

眞福直指序

余居恒每思得至人而親炙之。快書而誦讀之。以爲生平樂事。然嚮往徒殷。而竟莫之覲也。卽或覲之。覲其人者。未必讀其書。讀其書者。未必覲其人。亦未免有居不同方。風徽隔絕之嘆。卽覲其人矣。讀其書矣。而人非蓄道德。書不遡眞源。雖于身心無所損。究之亦無所益。猶之乎未覲也。則甚矣。至人快書之不易覲。而厯余居恒之寤寐良深也。庚戌仲春。余負笈粵遊。首赴聖堂瞻禮。卽過訪蔡先生。因先生而得晉謁陸

師焉。先生隨袖一卷示余曰。此陸師眞福直指也。余受而讀之。第見其理無不備者。聖學之精義。而語無不切者。鐸世之昌言。其大旨在遵天主教誠。以立天國之基。勉行教誠實功。以圖天國之樂。姑茹荼藿。終飽膏粱。暫陟嶽嶽。自登夷垣。吾師之功。于是爲大。而無如世之懵懵也。雖然。眞福亦難言之矣。吾師曰福。世人亦曰福。是第知福之爲福。而不知福之所以爲福也。不得已。吾師獨揭之曰眞。世人亦曰眞耳。眞耳。是第知眞福之爲眞福。而不知眞福之所以爲眞福也。吾師又

起而指之。且直指之。庶幾哉。馳騁天衢者。不致南其轅而北其轍也。嗟夫。愛主如吾師。可謂至矣。愛人如吾師。可謂切矣。爲人如吾師。可以止矣。今世或悉吾師之爲人乎。有未悉其愛人者。或悉吾師之愛人乎。有未悉其愛主者。總之一愛主之心。發而爲愛人之念。而其所以爲人者。不越夫愛主愛人而造其極。則吾師之爲人。正所以全其愛主而因以愛人也。是書也。就人生行習之常。而造至神妙之域。故義簡理明。言近旨遠。要期于易讀易解易行而後已。有不惜其娓娓諄諄。

者。所謂明鏡不疲于屢照也。小子何敢知焉。第於親炙之頃。  
誦讀之際。有以窺其一斑如此。

歲

康熙庚戌仲春月鄞江後學康庭槐頓首謹



眞福直指自序

世人皆願享眞福。但少有尋着享受處。蓋緣大段已謬。自然尋覓不着。何也。眞福猶正路。自是難行。人雖願享之。而究不肯行此難行之路。乃告以偏捷之路。未有不欣然喜者。又安能得其享受也。古賢者寓言有云。有一少年。行至岐嶇。忽然迷途。第見前一平坦路也。一崎嶇路也。平坦路有一美女。崎嶇路有一賢婦。美女請少年登平坦路云。若登此路。可享諸樂。賢婦亦請云。能行此路。雖受辛勤。終歸萬樂。苟登平坦。卽

始有諸樂。終未免罹諸苦。少年果聽賢婦之請。登崎嶇之路。中途多遇魍魎之妖。猛烈之獸。堅忍而行。竟爭勝之。乃至平善之地。由此觀之。平坦路。乃世福也。美女乃本身情欲也。超平坦路。是放蕩于邪樂。貪戀世福也。崎嶇路。乃善德也。賢婦乃靈明本性。引入入善路也。走崎嶇路。是克制其情欲。如與妖邪猛獸爭勝。方能成善。至快樂之處。享萬福也。少年人是良知良能。依理而行。終得眞福。世人大槩多超平坦。而畏崎嶇。故少有人得享眞福。不知眞福之正路故耳。余不敏。作爲

此書直指明之詞不用文。而理只求顯。一爲世人。亦有不知文字。而能深明道理者。二爲世人。亦有深知文字。而反悅華麗之詞。不察道理者。三爲真正道理。自有靈光逗露。不爭才華者。四爲西儒。亦有許多妙詞。憑人反復玩味。又恐中邦儒者。徒爲觀玩。而不究心也。余見中邦有異書異人。儘能明徹道理。有等不知文字者。則不能甚明徹也。能閱此書。了然于目。自能了然于心。幸勿視爲平平。而厭棄之。有疑必問。有問纔明。是余惓惓所屬望。嗟乎。世人計算本利。晝不停。夜不睡。

勞頓而不知休息。若語以眞福之所在。或看書。或聽講。便生厭倦。是亦聽美女之言。而不信賢婦之說也。可慨也夫。

泰西耶穌會士陸安德謹撰

歲

耶穌降生一千六百七十三年孟春望後三日序于粵東天

主堂

眞福直指卷之上

享世福不能得眞福首章

人之本情。無不願得眞福。所思所念。都向眞福。故每于諸務。勞倦不肯休息。總是爲求真福。欲享受意中所願。飽滿于心。遠危去凶。然後始安。是以世人常口稱納福。多用福字粘于門壁。然雖願得眞福。但不知討眞福之路。所以不能得眞福。大概世人所認眞福。不過是享世界之福。不知日夜圖謀。自是勞倦。受福之影。不得飽滿。何也。不是人心所宜之福。是以享受不得遂意。反傷己心。如食藥不合病症。腹內反有損傷。今予先講享世福不能得眞福之故。後乃引導于能得眞福之說。

眞福奇妙有四。一飽滿人心。二盡去凶禍。三不懼危險。四享受長久。恁是世上福祿。不能飽滿人心。猶有凶禍叅入。常懼凶險。不得長久享受。則享盡天下之福。俱不得謂之眞福。

眞福包含上四件奇妙。極是明白。不用引証。因爲人心不滿。越貪越不足。如病渴者。越飲水。越加渴。人心最是寬闊。不能滿足。似空虛一般。其之貪願。猶如大風搖蕩小舟。不得安止。如何得享眞福。古時有一賢人貧窮。他的心自足不貪。在市上見諸般貨物云。此許多貨物。我都不缺少。似此看來。若人貪心。勞苦愁悶。雖有許多寶貝。若比這賢人不貪不願。尙是貧窮。

若人享受多般喜樂。不免雜一二凶事。是如食美味。內藏有毒。則不能爲福。若懼危險。如人在海船上。遇大風浪。雖滿載寶貨。不會到岸。說不得富貴。則人懼危險。稱不得福者。又不長久。有如演戲。演完仍歸于無。可知無上四件。不是真福。今世人迷于世福。大槩都認世福爲真福。所以余用真正道理。辯論引証。世福無上四件之全備。故真福自不同于世福。

世福或有屬肉身者。如飲食財貨美色。或有屬人神者。如高位。大權。光榮。智術。屬肉身之事。雖肉身有享受。靈魂空虛。不見受用。是肉身之事。不能飽滿靈魂願欲。必不是人之真福。況飲食美色。傷害肉身受勞倦。

知軟弱。生疾病。卽禽獸亦有飲食色樂。若固執說飲食美色。是尊貴人之眞福。則與禽獸之福相等。况禽獸比人更能享受。何則。他的五司動覺。最爲甘甜。毫無羞耻。不生病。不憔悴。人則有傷害。勞倦軟弱。疾病。知耻等情。則飲食美色。安得稱爲人福。

或說富貴是人所願欲的。其快樂都得享受。何爲不是人福。答曰。肉身所願。或得享受。而靈魂虛空。全無受益處。譬如家奴有享用。家主反饑寒。靈魂家主也。勞苦聚財。肉身家奴也。反安樂享用可乎。又富貴人。勞苦聚財。即有亦不得安。心中擾亂。怕失去。又恐招人嫉妬怨恨。又人既富。他心仍不會滿足。畢竟還貪還辛苦加倍。猶如海浪相催。前浪纔起。



後浪又摧。不得少息。何能喚做真福。

古皇撒辣。茫大智者。又最富。彼云。我享天下萬福。積金銀寶貝。勝過前皇。恁目所見。心所愛。都得享受。今想往時的福樂。明見都是虛幻之物。都是傷神勞苦之事。觀乎此。可知財貨快樂。都不能稱是真福。

若屬人神的事。如光榮。高位。大權。智術。亦不能滿人心。蓋人心最寬闊。雖有諸般。亦不得飽滿。未得時。必辛苦求得。既得時。嘗畏患難勞苦。又不長久。何能稱是真福。光榮是虛的。高位大權是危險的。智術是勞苦的。光榮如風。有些爽快。卽時便過。何得飽滿。或受些小侮辱。便失光榮。又是從外來的。今日愛敬讚美。明日變爲憎惡毀謗。亦有當面逢迎。退

後悔罵。況人有光榮便驕傲。外面裝模作樣。心內還貪。越尊貴。越患失。若受一人侮辱。便思報復。種種情願。傷害自心。何能稱爲福者。古有一人名亞慢。是亞細利亞國皇最尊貴的官。皇命國人見他。俱要跪。一人在朝門不跪。他卽忿怒。計欲害之。歸家同親友說。我爲朝中一品官。國皇最愛我。稱我如父。命國人見我俱要跪。今因此人不跪我。將此尊貴之事。盡如沒有一般。即此看來。人爲一事。憂悶于心。雖有大光榮。如沒有一般。何得說光榮是人之眞福。

或問。高位大權。爲何不是眞福。曰。凡物墜下。多從高處來。故權位越高。越危險。越易墜落。雖有百官恭敬拜跪。然不免有勞苦之事。爭戰之禍。

敗亂多端。古時有一國王。被敵國戰勝。掠歸爲奴。敵王將練鎖他御輦。踏他背上。此王受苦無可奈何。只得將眼轉看車輪旋轉。敵王問云。爾轉眼看我車輪何用。彼云。我看此車輪旋轉。上的又下。下的又上。循環交轉。想世界的事。亦如此輪一樣。我心安樂。不見其苦。國王聽說。心中明白。恐事機轉了。他日亦爲其奴。高位大權。亦是如此。又安得稱爲真福。權位繫于衆民。若衆民不從。便無權位。又常懼鄰國相併。常恐所封侯王作亂。所以撒辣茫智皇說。國皇的樂。是如朝露。日照就乾。何能稱是真福。

或說人用智術。思想萬物之理。心中喜樂。如何不是真福。曰。此心難滿。

用智術格物。先有許多辛苦處。必先去讀書。晝不停。夜不睡。積到時候成了。纔能知道。但其心尙不自足。越知道。越見事理無窮。智術無盡。人之生命短淺。不能格諸物。誰解螻蟻微小。從那裡來。且有許多力能運動許大之物。誰解他眼何能見。鼻何能遠聞。誰解蚊子喉肚。從那裡來。出許大聲音。誰識萬般草木。及土石諸蟲的性。能醫諸病。是等平常事物。人尙不能明徹。况深奧事物。安能盡曉。即智者亦有許多差誤。今我們論古之智者差誤。後人亦論我們之差誤。撒辣茫智皇。天下事物盡知。勝過古來智者。他云。天下的工夫勞苦繁難。莫如智術。勞苦倦極。盡是虛幻事物。知道多。憂慮亦多。智學加倍。勞苦亦加倍。生時有智愚。死

後無分智愚。則可定天下之事。不能滿人之心。有危險。又不長久。何能稱爲眞福。

古聖人名育伯！說世上的人。雖極稱福者。都是如花。早開晚謝。又如人影來往。沒有定所。達味德聖皇說。吾人生命。猶如蜘蛛。從腹裡吐絲結網。爲拿蚊蟲。屢被人破壞其網。反變作其殞物。世人費盡心力。圖謀虛幻之事。而反害生命。何以異是。又如夢見有寶物。醒來觀看。一些沒有人。雖有許多事物。死後俱帶不去。亦如夢醒一般。今觀古時之人。快樂在那裡。富貴在那裡。高位在那裡。智術在那裡。此等事。眞如風吹火烟。一時都消散。昔有古賢者。同門徒出遊。到一處。見許多蘆柴。門徒問云。

此許多蘆柴。有幾多火烟。賢者說。爾們且買來。我方說。其徒遂買蘆柴。賢者命發火燒訖。說。除了這些炭灰。別個盡是烟消風散。若人肯觀天下之快樂。財貨。光榮。大權。高位。智術。正如許多虛烟。去看他墳墓。只存朽爛之骨。別項都是如烟消散了。

古皇撒辣氏諾臨終時。命用一幅布收殮。先掛在竹竿上。沿府走叫說。撒辣氏諾是許大國王。今臨終。雖有萬寶貝。萬財貨。都用不着。止用此一幅布收殮。小西洋。若撒法太子初出遊。忽見一老人衰弱。問爲何如此。有對他說。人人日後都要老。都如此衰弱。太子又問。後來何如。答云。後來都要死。又問。人做國王亦會死否。答說。沒有人免得死。太子一聽。

此話。心中甚悶。遂厭棄世事。不肯做國王。百計思慮。必要尋個常生。昔又有一公侯。幼年觀父墳墓。見其肉身朽爛。于是將所管地方。都放棄。不做公侯。斐理伯大皇病時。遍體生蟲。臨終命太子前來。指此蟲與他看。說。此是世上光榮的盡頭。今世上有甚富貴。高位。大智。能定自己這一個時辰。安心樂享。或死在頃刻。安能定得。及死時福祿都完了。何能說得真福。所以撒辣茫智皇說。天下的事。都是虛偽的。都是勞苦的。可知享天下之事。沒有真福。

### 推理能明真福何在第二章

今既說人向真福。又說享世福沒有真福。要想人爲何空費辛苦尋世

福。人有記含。有明悟。有愛欲。此是靈魂的三司。記含能記往昔事物。明悟能明深奧道理。愛欲能向美好。遠凶惡。但愛欲如瞽者。須要明悟引導。又明悟在身中。用五司。目視耳聽口見悅身的事物。就動愛願悅樂等情。見苦身的事物。就動恨怨憂悶畏懼等情。明悟被七情昏亂。不能分辨眞僞好歹。呈與愛欲。歹的反呈好形。好的反呈歹形。愛欲依明悟指引。便愛其歹僞。舍其眞好。這是萬錯緣由。故誤認世福爲人眞福。今旣眞福不能顯現。用五司見有形蹟事物。卽推論道理亦能明徹所不顯見眞福。

看有形之事。推論道理。就能明白。有一至好無形之神。包含萬物美好。



看天地人與萬物。皆先無而後有。必然有一個造物者。造成天地人物。而常爲之主宰。蓋天地人物。既先無。必不能自成。因爲造物者。在物之先。方能造物。如屋有工匠起。書有賢知作。子有父母生。萬工萬業。不能自成。俱另有成之者。况天地之大。人物之多。何能自生出來。亦必另有成之者。

造物者是無原之原。無始無終。無窮美好。無盡之善。無形之體。全能全智之神。方能造成天地。施美好于萬物。曰。是無原之原。無始無終。從無始常自有。若不能從無始常自有。必然有始。而始之先沒有。既沒有。又可問從那一個生出來。若由別個生出來。彼又由別個生出。終推算到

第一。第一若不是從無始常自有。沒有從那一個生出來。則須要定有一個從無始常自有。自有無限美善。是全知全能的神。自享萬福。滿備萬好。方能造成天地萬物。而常主宰。是天地萬物之眞主也。或問其無始常自有何如。曰。若要知其無始常自有。可先論其無終。海水至深也。逐滴傾之。亦可算盡。細沙至多也。微末計之。亦可算盡。草木至繁也。逐葉數之。猶可算盡。若要算無終有幾多年。總算不得。總沒有窮盡。于今將無終回算無始上去。亦如無終一樣。總算不得盡。這是無始常自有。或說理能生物。然理不過是物之模樣。在作者明悟內。如先有作工業之人。然後纔想出此物之模樣。必先有造物者。後方能有理。

或說太極生天地萬物。曰。太極是混沌。天地參雜。萬物材料。不過是物之元質。在各物內。能受萬模。無模不能存。譬如一所房屋。木料磚瓦。此是質者。前堂後室。此是模樣。必另外還有工匠造成。所以天地萬物。俱有元質。又各物有各物之本模樣。另外有造成之者。而元質模樣等。亦皆由造成之者造來。

又云。太極不靈不明。無心志。無生命。偶然動而成萬物。曰。偶然動。不免有動之者。有作之者。若是偶然作的物。斷斷不是常作。若說常是偶然作。既無心志。如何常作得一樣。

又看天運動。降施清氣。地得其宜而生萬物。怎麼是無心志。偶然作的。

必有至靈至明之主宰安排之。用天道運動。用地道等發生萬物。又人身有三百幾十骨。七十四筋。許多脉絡等。上有四司。胸心有心。爲生命所在。有脾胃爲消化飲食。有肝能成血。由脉分散全身。手之力。能作百工。足之力。能載全身。筋節纏縛搖動不壞。百肢相稱。都有所宜。任爾千思萬想。如何安排。總想不着如此。何可說無心意。偶然作得。卽父母亦不知何樣做的。必有一個全能全智者而成之。用各物生本類的物。如用人生人之類。今看萬物皆有所宜的本性。豈可說偶然無心意作的。

太極既無靈明。安能成就萬奇妙的事物。古有一人名亞而計默德。是

大智者。用玻璃作成諸天球。亦依天行之度數。俱能運動。豈有造成真天之運動。下浮清氣。無靈明能造得。又有畫工。名奏濟者。畫一株葡萄。如生的一樣。鳥見即啄。人人羨他神工妙絕。但只葡萄。是假的。無體無味。豈有造許多真物。有體質。有氣味。可見無靈明安能造成。

釋家以空爲教。說空能化成萬物。此大不合理。既空虛于己。安能化成萬物。譬如有一人家內空空的。要甚麼物件。他家都取得出來。必無人信。何故反信空虛能化成萬物。

道家說無爲是萬物之原。此大不是。無是全無。若無則是沒有于己。何能施與他物。譬之有一貧人。總沒有物件。人間他求物件。件件都送與

人。決無人信。豈可信無爲能化成萬物。

或說天地萬物從無始之始常自有。曰。推論道理。可明白天地萬物先無後有。因天體運動。分開年月日時。天運從東到西成一日。今推算已過之天運。要數到始初第一日。必第一日前之天不運動。必先無天。蓋依諸智者所定說。凡物不是徒有。徒有無用。總不必有。天既第一日前不運動。不分開年月日時。徒有亦沒用。則第一日前必無天。無日月星辰。又看空中雲霧。雨露雷電。海內魚鱉。地上山林草木。花菓禽獸。萬般生產之物。俱不見久存。皆有生死損壞。皆有終盡。萬物既有終。必皆有始。若夫從無始而常有。後必不能損壞。不能窮盡者。蓋從無始之前而

永存之。則必無終。亦不能有生死往來。今萬物既有生死往來。便都有次序。若推算過去的物。推到第一。必先無物。如父從祖。祖必從宗。宗祖必從最初第一始祖生來。若推到第一始祖之先。必無人矣。又如鷄從蛋生。蛋又從鷄生。推到第一鷄。必先無鷄無蛋矣。若算萬般有生死的物。都推到第一。而第一之先必然無物。今既天地萬物先無。必不能自成。另外有造成之者。這或稱爲上帝。但我們惟稱爲天主。而不稱上帝者。因有人誤說。上帝在太極天地之後。又有說玉皇是上帝。又有說上帝卽是蒼天。若在太極天地之後。安能造成天地。造物者。是在太極天地之先。何爲是蒼天。又玉皇亦是人。在天地人物之後。有生有死。死後

宋朝封之爲上帝。如何是他造成天地。因爲人多誤認。故專稱天主。不稱上帝。

天主既是自有。無有定期。其美好必然至極無窮。總超出萬物之奇妙。然萬物之奇妙。亦由他生出來。還能生無算之物。越發奇妙。他的能。總無窮盡。若不是自有。總超出萬物之奇妙。沒有于己。怎能施于萬物。則可定天主是自有無限美好。

天主既有無窮之美。必是無形之體。若有形之體。便粗淺。便不是無限之美好。有形之體。是多分湊合。雖有萬分。俱有窮限。所以有形之體。不能有無限之美好。又天主無神分湊合。如有神分湊合。也是有窮限。故



天主是純神。無限之善。無窮之美。總超出于萬善萬美。有全善。全義。全慈。全智。全能等。無數美好。

天主全智。視已往當前後來。如現在一般。透徹事物物的始終。並照徹人心內隱微之念頭。明悉自己無限奇妙之性體。天下大小精粗的事物。俱明照無遺。各得恰好。天神及人類靈性。皆由天主生出來。又開天神靈性。能明徹天下萬物。施他超性之光。能見天主。享永福。又天主開我們之心。方能習學萬端智學。

天主無限量。無所不在。天上天下都充滿。在各物內外。物物生動。總由天主全能。蓋天主是萬物之原。必在各物內外。能生存萬物。若不在各

物內外。必有限。不能生存各物。

天主之福無限量。無窮盡。不是由外來。是其本性自有。天主明照自己無限美好。享無窮之福。爲萬神萬人眞福。故能飽滿神人諸願欲。

或說人不見天主。何能爲人眞福。曰。人有明悟。有愛欲。是靈魂二司。若人心潔淨和平。沒有七情擾亂。思想天主而眞心愛之。必受極大福樂。但人心污穢。邪念充滿。又有七情擾亂。不得和平。如水污濁不清。搖動不平。則不見日色之光明。安止于水之中。人心污濁不清。擾亂不平。豈能明徹天主之美好。故少得受此福樂。且又煩惱勞苦。如病人腹內膨脹。食物不但無味。亦且厭之而不肯食。惟推論道理。自能明白。自然快

樂。如人見奇妙的畫。必喜觀看。不肯離去。或看一篇絕妙文章。講奇妙道理。必不能釋手。則其心與此契合。必受大樂。況想天主無限美好。人心不能不契合。如何不受極大福樂。于今畧講人在世上思想天主。能受快樂。後纔講人升天見天主。享全福之快樂。

看天。天上有日月星辰。奇異美麗。看地。地下發生萬般養身悅心奇妙事物。及生草木花菓百穀。看海。海中有魚蝦萬種。暢樂于水內。看空中。空中有禽鳥飛翔。山林中有走獸遊戲。大地及海中寶物無窮。如此之類。人人皆願見。豈有人不願見藏這許多好事物之根源乎。雖然不得見。只論理自能明白。是無窮的好。蓋自有天地到今。每每常生事物。不

見少減。必然是無窮盡之寶藏。無窮盡之根源也。今既不見少減。則所見常生出來。不是他的神分。就是他無窮之能。一命即造成天地萬物。如太陽光照各處。無一處不到。而光不少減。如此想之。人心豈有不願見。豈有不快樂。

若想天主全智。看天地萬物。就明白天主全智。造成天地萬物之美好。想所見天下萬智者。推想到天神最高之智。可知天主有無限之智。層次推想。則認得天主全智無限高遠。是萬智學之源。豈有不歡喜之理。若想天下光榮大權寶貝。雖積到萬萬年。其光榮大權寶貝。越發多。越發大。都比不得天主無限光榮權能美好一些。是萬美好之源。人心安

得不快樂。

若想日月星辰的光。積累加倍。其光愈大。雖窮深極想其光。比天主無限神光。如黑夜一般。明悟如此推想。人心如何不享甚大歡樂。

若人想萬善者萬聖人。或是往古。或是現今。可知天主無限聖善。恁想許多聖善。算到極大無盡聖善。總不能比得天主無限聖善一些。明悟如此想。人心必然極愛敬。極快樂。

想天下人所稱世福。人心所能想之福。總合萬國之福。最多最大。推想至無窮盡之年。亦不能比天主無限真福一些。是萬福之源。明悟如此想。人心自然越加喜愛歡樂。越想越樂。雖身在世上。而心在天堂。願離

身明見天主享眞福。可惜世人放了萬福之原。錯用其力。辛苦勞倦。尋天下之假福。

天主生人爲得享眞福第三章

天主六日間。造成天地萬物。第一日。從無物中。一命頃刻間。即成天地水。又命即發大光。第二日。命生氣火。分開十二重天。第一重月輪天。第二重水星天。第三重金星天。第四重日輪天。第五重火星天。第六重木星天。第七重土星天。第八重二十八宿天。第九重東西歲差天。第十重南北歲差天。第十一重無星宗動天。其宗動天運動帶轉此十重天。一日一周。第十二重是天堂。內生無數天神。天堂是天主顯見處。諸天神

聖人享受眞福所在。第三日。命高者爲山。低者爲海。命地發生草木五穀。第四日。化成日月星辰。分開晝夜年月。第五日。命水內生魚蝦。又命生飛禽萬種。第六日。命生走獸百類。後生人。生一男一女。男名亞當。女名厄穢。爲萬民始祖。天主先生天地萬物。然後生人。此何故。天主生天地萬物。總是爲人。生天爲蓋我們。生地爲載我們。生萬物爲養我們。生吾人爲奉事天主。若吾人專務奉事天主。則萬物眞實是吾人的。若不奉事天主。而用萬物。如偷來的一般。第七日。天主止息。不作物。是定于七日瞻禮。爲謝天主生天地人物之大恩。

天主生天地人物。而常保存。萬物皆繫屬於天主。如光明繫屬於日。日

過了。天下便昏黑。又如川水由源泉流出。源泉不流。就乾竭矣。若天主不常保存。便無物矣。

先已指明天主照管萬物。于今指其事以証之。我們見無靈之物。各得其所。必不是無靈之物。能知道各宜其性。各得其所。其中必有至靈者引之。誰引走獸知此草不好食。此有毒害他的命。彼草好食。彼能醫他病。又無醫士。療得人病。如他醫自己之病。誰引蜂採花成蜜。成蠟。從順于蜂王。誰爲智者知天文。識風雷雨晴之天于前。如禽獸之識時不差。有甚自鳴鍾。能如雄鷄識子午啼報。誰定時候下雨。爲生五穀百菓。誰降霜雪。爲根蒂牢固。誰作暑熱涼風。爲結成乾熟。誰于脾胃內。消化飲



食成血。而流動于四體。誰于胎中成孩身。即問父母亦不知之。卽此許多無靈事物。必皆由天主照管。湊補無靈之工。纔能如此耳。

天主既照管天地萬物。使物各得其所。各給美好。各宜其性。如天與日月星辰得高所。而下清氣光明。地得奠安低所。而生菓木五穀。水得流通地上之所。而生育魚蝦。魚得水爲暢樂。禽得氣爲飛翔。有五穀爲啄食。走獸得山林草木爲長養。惟人沒有其所。不見有宜其性之福。沒有物能飽滿其心。豈知天主分開我們不同于別物。人當感謝。生萬物爲我循理用。又爲看有形之事。能推論明白天主而服事之。思想天主美好福樂。則死後升天。能見天主。得享全福。此事要詳細指証。

人性含有肉身與靈魂二件。靈魂是人神。合肉身即成人性。使其能活能長。能動能靜。能明道理。肉身若無靈魂就死。有目不能見。有耳不能聽。有四體不能動。靈魂尊貴。肉身卑賤。靈魂是無形之體。像似天神。永不死滅。今先指証靈魂爲無形之體。并是神之說。

靈魂是神。因他的明悟愛欲極寬。萬物不能充滿。他的念頭最輕快神速。想北京。就在北京。想西洋。就在西洋。想天上。就在天上。想天外。就在天外。還能想天主天神。就明悟內成天主天神的像。若不是神。一想何就能成神像。且又能願欲善德。能愛慕天主與眾無形之事。若靈魂不是神。安能容受無形之像。安能愛無形之美好。

又吾人隨就一事觀之。亦有相反的情何也。即如人腹饑有好味在前。肉身的情欲食。愛欲若不從。便能節制之而不食。又能命肉身勞苦。受難死。爲得光榮。則愛欲有超身與情的能。故謂靈魂是神。

靈魂既是神。沒有冷熱乾濕相反的情。必沒有死滅的根。天主亦不壞所生的物。可見靈魂不滅。又靈魂不依賴肉身。不同肉身勞倦。有人雖年老。肉身衰弱。明悟越發精明。則知必不同肉身而死。又衆人所愛。原是愛常生。想及後來之事。生前遺下有善功。死後纔能令人讚美。衆人之情。既是愛常生。仰望永遠之事。必有常生的情。靈魂若死。則辜負常生的情。而不得宜其所性。且人比天下萬物。更奇妙。若人死即滅。比禽

獸尙不得。因爲禽獸堅固。沒有許多勞苦。容易存養。人則軟弱有病。受許多苦難。又要諸事物。爲存養肉身之計。此等事。禽獸都沒有。假如人死後。不得常生眞福。靈魂同肉身齊死。是比禽獸更苦更甚。必無此理。又天主至善。愛善者而賞。惡惡者而罰。但賞罰不盡在世上。善者世上大概受苦。惡者世上大概安樂。若死後沒有賞罰。則惡人比善人更受福。必無此理。

又人怕死人魂魄。而怕禽獸死骸。是人心自認人死後還在。尙有可怕之處。若禽獸便沒有矣。又人死已久。其子孫猶愛其祖宗。是人心自明。人死不滅。若人死卽滅。還愛甚麼。又人得罪。怕有罰。及臨終越發怕。

亦是人心自知。死後還在。亦有死後屢次現見于人者。則靈魂確是不滅。又世人雖推論道理。窮盡事物。明悟亦不滿。享世上之福。雖極享受。愛欲亦不滿。必天上方能滿心享受全福。又人遇苦難。憔悴勞。便仰號于天。不想世上福祿。是自己本心。已默識人福。不在世上而在天上。又人多悞立邪神。說在天上代求永福。是還望天上有福。又天主生我們頭向上。不向下。別分不同于禽獸。古賢云。人如倒樹。頭在上。就是根本。四肢垂下。就是枝幹。天上要種其根。要磐固在天上。始得常生永福。

或問天主既善管天下。爲何有富貴。有貧賤。有權位。有僕役。有平安。有苦難。此等事。必是賞罰善惡之人。不爲今世之善惡。今世善者大概貧

賤受苦。惡者亦有富貴平安。則必是前世的善惡。賞罰。在今世輪廻而受前世之功罪。曰。此正是天主善管天下處。富貴貧賤。權位奴僕。皆天地間所不能齊。亦所必要者。若盡是富貴。有權位。誰肯耕種。誰做百工。誰肯服事于人。蓋天下有富貴貧賤之人。如人之一身。有頭面。有手足。有百肢之分別。設使通體是頭。或通體是手足。必成怪形。亦用不得。觀于此事。益明死後之有賞罰也。蓋天主使人各止其所。積功勞者必賞。爲惡者必罰。譬如朝廷命官與兵民守一府。隨其才幹強弱。各司其事。誰敢說。彼得爲官甚尊且貴。我反爲兵爲民。甚輕且賤乎。及寇退功成。朝廷必察各人之功積。酌其多寡。而陞賞之。若有敗事者。不免要罰。至

若平安無事者。或是惡人。亦有些善。所以天主于世上賞他平安。死後必罰他地獄受永苦。或是善者。天主于世上賞他。獎其越發爲善之心。若苦難。或是善者。不免有些罪過。所以天主于世上罰他苦難。死後賞他真福。或是惡者。天主于世上罰他。欲其改過遷善。若改就赦。若不改。死後下地獄受全罰。如賢君。先罰有罪過者在牢獄受責禁等刑。若肯改過。不但赦他。亦用他。若不改。仍前作罪。法在必殺。

輪迴之說真是大謬。天主不賞肉身快樂。以酬功勞者。蓋爲善德是靈魂之功。該賞靈魂。肉身快樂。靈魂不能享。何能酬他功勞。又世上之樂。大概都是邪的。如何能賞先世之功。若人前世守貞潔。豈有今世賞以

奸妾。流入邪淫。前世謙遜。仁慈樂捨。豈有今世賞他的富貴。易流驕傲。殘忍貪吝等惡。是報善德之功。反爲得罪的緣故。豈非輪迴之說大謬乎。蓋天主造靈魂不是古初時。都已一齊作成的。靈魂合肉身。方成人。若在肉身外。不是全備。豈可說天主生不全備之物。天主初造一男一女。後來于女胎中。先成肉身。隨造靈魂。給合成人。

或問。怎麼天主能生許多靈魂。答曰。天主有無限之能。雖生無算之物。仍無窮盡。有何難生此許多靈魂。若爲輪迴。不要全能麼。新生的事物。逐日都見。若復生的。雖天主做得。但不是常做之事。天主生萬物。謂之第一性原。天主命復生。謂之超性的原。輪迴是人死而又生。必不是性



原的事。則是超性之事。既是超性之事。則必要超性大能。方能做得。但天主不用全能。做輪迴非理的事。因爲萬物件件俱各有本性。人性與禽獸性。大不相同。豈有人轉生做禽獸。人是靈生。爲靈魂在內。若禽獸有靈魂。就是靈生。今且看禽獸果是靈生麼。

又人信輪迴。則不該騎馬。不該娶妻。不該使喚婢僕。或是父轉生爲馬。或是母轉生于今所娶之妻。或父母轉生爲婢僕。此等乖亂。全不合理。如依此說。是壞天下之事。如果是靈魂輪迴。記含明悟。是靈魂二司。何故人人轉生世上。不記得前世作過之事。又人信輪迴。不望永福。不怕永苦。妄起貪心。以爲望來世富貴。不如于今得富貴。便容易放肆賺財。

望來世快樂。不若于今恣縱于邪樂。這是魔鬼陰騙人爲惡的計謀。故吾人要立心在天上。天上是我們受永福報功的所在。天主生人爲做天神之友。爲在天主之前。見天主享萬福。

人在世上之時。不能見天主無限之光。如目不能仰看日光一般。人之明悟軟弱。有肉身遮蔽。亦被有形的事阻隔。天主教我們在世上積功勞。爲善德思想愛敬。服事天主。故爲人整齊昇天堂。天主照成人靈明。爲能見天主。享受其福。

天主旣善管萬物。愈該善管我眾人。天主愛善者。而賞永福。惡惡者。而罰永苦。正使我們積功勞。爲善去惡。纔能得天堂永福。必要降一個教

指引善惡。爲吾人容易知道這路。若無教。懵懵爲善。有甚功勞。爲賞我們真福。懵懵爲惡。有甚罪過。爲罰我們永苦。可定天主必降一個教。以教吾人。但此教。必須至真至正至善至聖。方能宜至善之天主。

天主所降聖教有二分。一分要信。是開人的心。以成明悟。一分要行。是引人爲善。以成愛欲。要行的事。就是十誠四樞德等。夫所謂十誠。四樞德等。在人論理自能明白。故先講此等道理。後方講要信的事。

#### 天主十誠成人得享真福第四章

天主一生人。刻記十誠在人心。中。後因人心沉迷于惡。昧理不明。是以天主命梅瑟聖人傳十誠。梅瑟是管如德亞國民的聖人。時如德亞國

之民。在錫乃山坡。天主降雲光在山上。吹許多號器。雷鳴烟電。眾民皆驚懼。天主命梅瑟聖人上山。聖人遂到山頂。在雲內四十日。天主命他寫刻十誡于二石板上。而傳與眾民。令守十誡。不但是升天的路。亦成就人之心。能享眞福。蓋守之者皆尊貴。做天主義子。效天主善德。受聖寵。像似天主。能同天神在天主之前。享眞福。若人不像似天主。沒有相愛。安能在天主之前。享眞福。又十誡命吾人節世界上邪樂。起我們心于天上。若人七情安靜。世上能享爲善的樂。則守十誡不難。蓋守十誡。乃是順理。宜靈性的事。若守不得。是縱七情乖亂。隨魔鬼引誘。順世俗逆道理。第一誡欽崇一天主萬有之上。就是獻自己之本心。認天主爲

萬物之主。堅心信天主所顯示諸端。若疑而不信。就是得罪至真至善之天主。又望天主慈悲。救我等凶惡。赦我等罪。保佑爲善。賜天上之福。天主是無限慈悲。必然可望。爲我等所依賴。故當真心愛慕天主。寧死而不敢犯罪。由是觀之。人人盡該欽崇一天主。爲生我存我。生萬物以養我。生我爲升天享永福。何敢不一心尊崇愛慕爲極大主宰。而在萬有之上者乎。天主是無限妙好。無限美麗。萬福之原。天主亦極愛吾人。而賜許多恩。願我們升天堂。豈有吾人不愛天主。凡人切不可拜佛菩薩等邪神。他的土木之像。不可悞認其有能。可以保人。蓋佛菩薩亦是人。生于天地之後。同處人世。有生有病。有苦有死。尙不能保護自己。豈

有能保人之理。更不可信各種邪術。如算命看風水。卜卦擇日。祈籤祀灶。建醮燒紙錢銀錠等邪事。此都是虛妄之法術。大得罪于天主。不免受大刑罰。或說風水實能庇人。答曰。總是邪說。此事論理可明白。今有兄弟同父母所生。同一家居住。同一風水蔭來。及後來有壽有夭。有貧有富。各各不同。此又何故。殊不知都是天主所定。人該祈求全能天主保佑。況天主極慈悲。無求不應。誠心祈求。自有驗也。

第二誠毋呼天主聖名而發虛誓。戒人說謊。而呼天主聖名而發誓。雖極小之事。亦有重罪。蓋天主是萬眞實之原。妄呼至尊至眞之天主。代我証不眞不實之事。侮慢至眞天主。至若是眞事。有不合道理。便爲不

義而發誓。亦有罪。若是畧傷于義。亦有小罪。若是大傷于義。便得大罪。于至義之天主。若爲沒緊要事。輕易發誓。便不恭敬天主。亦有小罪。倘事真情切。且又合義。又是緊要重事。須用恭敬之心發誓。不但無罪。亦且有功。

至若入寺廟發誓許願。必得大罪。或說若不發誓。人不信。答曰。若人素常講話真實。雖不發誓。人亦信之。若平日慣會說謊。雖發誓。人亦不信。若人許願于天主。爲好事。便當守而行之。若不守不行。亦犯第二誠。所以不可輕易許願。亦不可許願虛僞的事。若許願爲惡事。便得罪于天主。必不可守。

第三誠守瞻禮之日。凡遇瞻禮日。停止百工。專務恭敬天主。天主以六日造成天地人物。第七日止息而不作物。是以教人六日做身家之工。第七日宜做神工。一心感謝天主。天主自然降福于人。今既以六日爲身家事。爲何不肯一日安心做靈魂之事。人福不在肉身。而人何苦勞力。專爲身家。至少必于瞻禮之日。須要懷想天主事情。領眞福之味。若不想天主事情。必不能明白于心。心若不明白。必不愛天主。不愛天主。必不得享眞福。但貧人爲饑寒計。或有十分緊要去作事。雖去行之。亦不妨也。

前三誠皆是敬天主事。在心內。在口中。實做神工。後七誠是愛人如己。



之事。而人所最愛者是父母。故于愛敬天主之後。即有孝敬父母之誡。第四誡孝敬父母。是一心愛敬順聽父母之命。凡爲人子者。于本分當行之事。自當竭力致之于父母。即天主亦許之爲孝子。不但享天上之福。亦且賜以世間之壽。況孝敬父母。亦是極宜靈性之事。父母之于子也。養之教之。使得成立。又常置產業爲子長久之計。若忘現在父母之恩。自然亦忘無形大父母天主之恩。

父母以義方教子。欲其行善德。纔盡爲父母之道。若父母棄之而不教。亦犯此誡。大得罪于天主。卽子日後長成。亦無善德。亦不識孝敬父母之道。如皇帝所降詔勅。官府所出號令。行其所得行之事。亦係天主所

付之權。若違其命。與違天主命一也。大得罪于天主矣。如居位者。所命有不合理。亦不必盡聽。爲官而無理亂罰。亦犯此誠。

家僕要聽家主之命。如不聽命。亦犯此誠。家主于家僕。亦須衣食以養之。疾病調護之。若全置之不問。亦犯此誠。

或問殯葬父母用何禮。答曰。天主聖教有許多禮可用。惟必循規合理之事。若延僧佛事。焚燒紙錢。斷不可用。如以飲食之物。請父母靈魂來享。亦悖禮之甚。蓋父母旣死。形骸歸土。口舌無存。其靈魂。或已升天。或已下獄。總不需飲食。以養其命。若復祭以食物。豈非妄誕之甚哉。又不可求父母保祐。若我行其當行孝敬之德。可望天主佑之。若父母俱已

進教。可望他在天堂。轉求天主保佑我也。

第五誠毋殺人。就是心不恨人。口不罵人。不作害人生命之事。若用藥墮胎。用水溺女。亦同殺人之罪。兒女病危。移出街道野地。此全無人心者。禽獸亦知愛子。爲人而可出此喪心之事乎。至若自殺。自縊。服毒投水。其罪甚大。若不悔罪而死。何能贖乎。

或問恨人罵人打人。有大罪否。答曰。若是小事有小罪。大事有大罪。若爲父母爲家主。以理責罰兒女與婢僕。不但無罪。亦且有功。

又問官府打人殺人有罪否。答曰。若是依理。守國家法律。不特無罪。亦且有功。若不依理而行。亦有罪。

又問殺牲有罪否。答曰。天主生禽獸原爲養人。殺牲自是無罪。

于今可想天下人。盡是兄弟一般。從一個祖宗來。必該相愛。天主生人都是爲人升天享福。天上都是相愛。必宜世上先習熟相愛。如在天堂一般。或說有人與我不相合。何能相愛。聖經說。兩相忍耐。多少是好。守天主的誠。宜效天主容忍我眾罪人。各各賜恩。如此像似天主。得享天上的福。若心術先壞。何能望升天。在至善至慈天主之前享萬福。

第六誠毋行邪淫。一夫一婦。爲生子計。此不禁也。除此正理之外。有邪淫皆有罪。若拂性邪淫。如男色等。此罪極大。此種事。禽獸且無之。况于人而可行之乎。天主如何不降罰耶。

或說人爲生子計。若不得子。何爲不可娶妾。曰天主初生人類時。止生一男一女。傳出無數人類。于今天下人多。如何該娶妾。一女旣不可配二男。一男自不可配二女。爲傳後計。可竟做此等喪心之事乎。犯此誠者。有許多大罪。因是污穢之事。不可以言語盡之。旣不可以言語盡。愈見其不可行。總之除了一夫一婦正理之外。又有邪淫者。盡是大得罪于天主。亦污辱吾人靈性。安能升天堂享至潔至純天主之福。可惜世人帶此污穢的身。難免此罪。惟全能天主。必能助我們。免此罪。吾人每日當誠懇祈求天主保佑。使不至陷溺其中。則大幸矣。該離去不好的所在。免得危險犯此誠。

第七誡毋偷盜。這誡禁人非分之取。又戒損壞人物。不但偷奪瞞騙有罪。至若放債非理取利。及受冤枉錢財。短少工價等。俱有罪。若犯此誡。須一一歸還原人方好。不肯還。雖解了罪。天主亦不赦。若貧窮不能還者。善解罪。天主亦憐而赦之。後來力能還。亦要還。蓋物各有主。何可混取。若有而不肯還。雖前罪赦了。又有不肯還之大罪。聖經說。他人的物。無理取受。不但不見加增財貨。反損失己物。此可証也。

或疑放債等人。收利外之利。以致富。如何不增加財物。蓋此是眼前之有。未足爲喜也。轉眼之間。自我而得者。又自我而失。不待兒孫之手。而即見也。豈得恃爲長久乎。凡人之物。兢兢然猶恐他人偷騙。須以己之

心。度人之心。何可偷騙他人之物。既不肯受偷盜之名。又豈肯暗做偷盜之事。明知死後。雖積財物。亦無所用。如何爲身外之物。而竟失却自己之靈魂。失却天國永福乎。

第八誠毋妄證。禁人一切誣告等事。事雖是真。未免有些虛假。亦犯此誠。講人是非。若是虛謊。重傷人之名聲。有大罪。若真有其事。但他曾有好名聲。今既壞其名聲。亦犯此誠。必得大罪。若不爲之周旋。全他名聲。雖解罪。天主亦不赦。我不願人講我是非。壞我名聲。如何敢講人是非。壞人名聲。又人不可讒佞。讒佞之人。不但天主惡之。眾人亦惡之。若人有罪過。只當溫良責之。然後勸他遷改。我若有罪過。亦要人恕我弱行。

故我亦當恕人弱行。人若願得永福。要制克塞其口。聖經說。萬惡皆從舌生。猶如船舵。若舵管得好。其船中流直行。若放了舵。船便搖動。人若守着自己的舌。內外俱好。直行天堂之路。若舌一放肆。內外皆亂。迷失天堂之路矣。聖經云。若爾想有善德。不制克爾的舌。必哄騙自己也。

第九誡毋願他人妻。是禁人邪淫之願欲。

第十誡毋貪他人財物。是禁偷盜之貪欲。

或問。若人于別個誡有念頭犯的。亦有罪否。曰。有罪。看其起念在那一誡。如起念之間。無所顧忌。敢願犯之。必是有心犯天主之命。便是有心得罪矣。所以不可許惡念頭。留在心中。速要退去。如毒蛇在胸。速除去。



之。若肯喜。便有大罪。若立意犯之。定志行之。越發有大罪。若不喜此念頭。速退去。不但無罪。亦且有功。除之不速。亦是小罪。天主不另禁諸誠之念頭。而另禁此二誠之念頭。因此二誠念頭易起。易陷誘惑。故諄切而另禁之。凡人要絕妄想。守定五司。眼不亂看。耳不亂聽。四肢不致安閑。一安閑。魔鬼就來誘之。當仔細提防。祈求天主不許陷于誘惑。此非可輕忽之事。惟恐有害自己靈魂。失天主聖寵。墮入地獄受永苦。吾人須懇切求天主保佑耳。已上十誠。皆至精至切。至真至正之理。人雖不進教。亦當遵守。若不遵守。便犯正理。放肆如無靈之物一般。是以天主刻在衆人之心。爲是靈性當順理。故雖不認得天主。不知不守者之人。

下地獄。守者升天堂。亦當順守。況進教之人。認得天主。受許多大恩。反敢忍心以犯之乎。萬物都依天主命行。但我人類。反忘大恩。犯十誠。又吾教中人。明知不守者下地獄。受永苦。守者升天堂。享永福。乃竟不守。則是明知故犯。其罪更大。天主命人守十誠。爲能升天堂。後人爲無理的事。竟甘心下地獄乎。

可想衆聖人在世勞苦。遵守十誠。雖微罪亦不敢犯。今在天堂享萬福。其福無盡。前時犯誠而不改者。亦爲微小之樂。今在地獄受萬苦。其苦亦無盡。念及此。當凜然警惕于心矣。人爲惡。何能望得升天。享眞福。可想永苦永福在吾人面前。若守十誠。得享永福。若不守。須要受永苦。此

二件。憑吾人揀擇。

善德成人于真福第五章

天下有許多書講善德美妙事情。自古迄今。萬國大都有賢智作善德的書。爲成萬民之善德。若守天主教之國。有超性的光。成全古時所有善德之法。凡天下合理之事。都是從善德的法做出。若無理之事。都是反善德的法做出。善德之美。助人善行。成人順理。守十誡。成靈魂的美麗。壯人之神。成就其中天主之像。諸般世俗光榮。俱是虛假。從外來。單單善德是世界真光榮。從內有。若靈魂無善德。如人赤身露體一般。更無倚靠。古時有一國王。見一修道之人。衣衫襤褸。王極恭敬之。眾官

說。爲何恭敬此賤人。反輕忽我們。國王不應。命匠人作兩個箱子。一個是雕金的。一個是粗陋的。這雕金的箱內。藏腐臭之骨。這粗陋的箱內。藏金銀寶貝。將二箱憑衆官取一個。衆官都選雕金的。王命開箱詳看。衆官方知所見差錯。國王說。這粗陋箱子。就像昨日所見修道之人。外面雖粗陋。內却包含諸般善德。我所以恭敬他。爾們却像以雕金的箱。外面衣服美麗。內裡有多般罪過。

善德是神物。超勝萬般形物。諸神物之中。惟善德奇妙。光榮無德。便驕傲。大權無德。便貪暴。智學無德。便奸巧。神靈無德。爲邪魔。故曰諸神物之中。惟德爲極大。人之奇妙。是由善德出來。凡物可寶的。或爲遠來。或

爲罕有。人纔貴重。若金銀寶石。如泥沙之多。人必不貴重。珍珠若在田  
生。無人喜愛。今生于深海之內。所以喜愛。但善德的寶貝。在內。越有多。  
越發人重。越明顯他的奇妙。世上善德者少。所以不明顯。故少有人知。  
如世界都是善者。世界必是奇妙尊貴的所在。

善德的人。是國家的光榮。父母的快樂。公眾的倚賴。治人的法則。愚人的  
開發。差錯的引導。眾人的師表。如太陽光照天下。消去諸惡昏昧。  
又人若沒有善德。不能享真福。善德光照人心。能思想天主之美好。興  
起人心。能愛慕天主無限美善。壯人靈魂。能行真福的路。安穩人心。身  
前整齊人神。身後能在天主之前享福。

夫四樞德者。一智。二義。三勇。四節。謂之樞德。因諸德都運轉于四德。如輪運轉于樞。智德是指引善行百工。義德是做公正守十誠法律。勇德是立志。行難做的善。去阻滯。不怕危險。節德是成肉身無理的樂。

智德有十端。一是思想良策。揆度眾理。看事合理不合理。二要記得相同之古事。好者效之。不好者避之。三法律之學。爲當依酌而行。四分辯難處之事。定其可行。五看事宜前後左右否。六與高明練達人商量。必擇上好事行之。七平心正直。推論道理。或有相背。看可行否。八依理該作。便堅心定作。不可輕易改變。九看該用何物去善做。十要謹慎。看有阻滯。便該除去。

違悖于智者有多端。一是心迷于七情。不能明理。二是固執己見。不聽練達人商量。又妄定的事。羞說差錯。不肯更改。借似理的說來遮蓋。三不熟思審處而亂作。四恃自己力量。放膽妄行。以致阻碍不行。五私智順自己意思。做世上私物。用計巧騙人。此數端者。俱是違悖真智者之事。

聖意納爵指引上智之法。先用默想之功。心平氣和。後求天主開我的心。纔想相反諸理。定最好的事。後纔平心奉獻所定之事于天主。懇求天主。若合理。開我心而准行之。又想若極愛的朋友。與我商量此一事。我當如何答他。又想若我到臨終。今所定之事。敢做否。又想若我在天

主之前審判。爲這等事可對不可對。到底又平心將所定的事。奉獻于天主。而懇切求之。若果合理。開我心而准行之。便堅心定作。不可輕易更變。

義德者。分定各人所宜之理。凡處萬民之事。必使各得其宜而守其分。乃得齊治均平。義亦有多端。如理國事。或司民事。或司三軍。或司法律。依律賞罰。保恤貧窮孤寡。此皆是朝廷之事。若夫庶人的義。上下左右常施其所宜施。亦守天主十誠。即國家之法。亦在聖教十誠之中。

義有許多德相近。一奉敬天主之德。就是謙心敬天主。認我是天主所生。係屬于天主。懇求保佑。又認天主是萬好之好。極美極大。便愛敬在



萬有之上。二專心慕天主堅志。承行天主之旨。雖致命不辭。若懈惰行天主道理。便違此德。三忠心順從朝廷的命。及守國家法律。四孝親慈幼。五敬長。六感恩而思報。七忠愛朋友。八溫和于衆。而無嚴厲。九好施樂捨。以克慳吝。毋使不及。用度有節。勿使太過。十信實處人而無欺僞。勇德者不屈于難事。若可行。雖當危險。不畏難行。若畏難不行。稱不得勇。若放膽妄行。卽當危難。亦稱不得勇。

相近之德何如。一恒心成善。雖危險患難致命。不敢改變。如無理固執太過。是違此德。若遇難半途放棄。便爲不及。亦反此德。二恒心。望得所願。雖久亦不失望。若容易失望。或妄意去望。俱違此德。三寬廣其心。高

其大志。于合理之光榮。而行其功業。能成其名。若順無理之光榮。是爲驕傲。或安心不行功業。是違此德。四忍耐苦難爲善。若求去苦難。放去善德。或發忿怒。是違此德。五自生至死。恒心爲善。若始勤終怠。便違此德。六大其膽量。就是平心作合理的事。心無混雜。若知羞愧。不肯去做。是違此德。

於今可想此是直行眞福之路。天下有何可怕之事。能阻人不行天堂之路。爲得永福。何患難不可受。由是觀之。天下最大之凶惡。比不得失天堂之永福。受地獄之永苦。這是極可怕之事。今人人受盡許多苦難。圖爲人世之事。爲何不可受苦難。求得升天。正如將士臨敵。經歷諸般

危險。九死一生。方好。却專爲天下不久的光榮。豈有怕勞苦災難。爲得受永遠之光榮。

節德是節制嗜欲之事。克去飲食好色。諸過理之樂。須用合理和平之樂。

相近之德有多端。一是克己七情五司。若放肆七情五司。便違克己之德。二淡薄。減省飲食。單以養生爲度。若多餐醉飲。違淡薄之德。三口上清潔。不講污言。四布帛得宜。而不致露體。五貞潔斷色。但守一夫一婦之貞。自不污其貞潔。六莊重。舉動不輕浮造次。七專心務學。窮究事物之理。若懶學輕率。便違此德。先忤勤行合理之事。若怠緩瑣碎。便反忤

勤的德。九仁德。心中慈良。不重罰人之罪。該赦亦赦。十謙讓。去其傲志。當讓則讓。不是過遜。亦不是虛假。十一純善克怒。若總不發義怒。又如木偶人。亦算不得純善。

于今可想節德極宜靈性。這是分別人不同於禽獸處。人于肉身的事。與禽獸相近。與天神相遠。若放肆於肉身的樂。必不能分別人不同于禽獸。可惜世人。常常放肆過于禽獸。人既免不得受肉身之樂。務宜檢束。常要和平。纔能思想天主。以成善德。而升天堂。在天主之前享永福。又當分開肉身之樂。與靈魂之樂。肉身之樂。鄙陋輕小。靈魂之樂。尊貴重大。今世之人。少能明白靈魂的樂。都因昏迷於肉身的樂了。須想凡

眾生之物。賤有賤樂。貴有貴樂。越發貴。越發享極尊貴之樂。假如馬。他只樂食草。虎狼等獸食生物。人則熟食。又要調和五味。百姓用平常粗食。王侯將相用美味珍饈。今既天主使各物得其所。可知神魂之樂極大。尊貴無比。享受處。乃是明悟透徹。愛欲歡忻。若人不昏迷肉身的樂。思想天主。而真心愛慕之。必享極大福樂。或說這等人。世上沒有。曰。若不曉得天主。必然沒有。但有奉天主教之處。自有許多人享這等極大福樂。

還有哀矜神形的德。形哀矜有七。一食饑者。二飲渴者。三衣裸者。四顧病及囹圄者。五舍旅者。六贖虜者。七葬死者。又神哀矜有七。一以善勸

人。二啟誨愚蒙。三慰憂者。四責有過失者。五赦侮我者。六恕人之弱行。七爲生死者祈天主。

哀矜的德。人人都能行之。至若窮人。便不能行形哀矜。然沒有人不能行神哀矜。神哀矜尊貴。行之愈有功勞。哀矜的德。自有大賞報。聖經說。一倍一百。還得享眞福。人人該孜孜承行之也。

更有超性的德。是成就人能向天主。論是聖寵。及永福超性之原。超性的德。用自性的力行不得。賴天主保佑。方能行之。這是天主大恩。極爲貴重。超性的德有三。曰信。曰望。曰愛。乃輔助我們遵守十誠行萬端善德也。信德是天主大恩。開我們明悟。能堅心信所不見之事。雖人不能

明白。托至真實之天主。堅信天主所顯示而已。天主教的事。都是合理。故辯論道理。自能解明疑惑。亦能對眾士辯真理。吾人托超性之道理。是天主無限智。不能差誤。無限善。不能欺人。天主所說。我們須堅心信之。不可論本性道理。易生差誤。只有堅心信天主。斷不能差誤。

望德振起吾人之心。仰望永福。但永福是極大之事。人必不能倚自己之功去望。要仰托天主無限之善。無限慈悲。許允吾人真福。又世人都有罪。要望天主赦之。人之力極弱。不能作有功勞之神功。要望天主保佑。纔能守十誡。作有功勞之神功。又吾人自己的力。不能勝魔鬼引誘。可求天主保佑。望天主施寵佑。能勝魔鬼。

愛德是萬德冕旒。天主聖寵。及萬功勞的根源。就是愛天主萬有之上。愛人如己。爲天主。提振萬善萬工。作超性的德。譬如人愛惜兒女。和于親戚。交于朋友。不邪淫。不偷盜。知羞愧。這個雖是善事。但不是超性的善。若愛兒女。和親戚。交朋友。不行邪淫。不偷盜。爲愛天主萬有之上。願中天主意。便是超性的德。凡做一物。行一事。都爲天主。都是超性的功。凡人愛敬天主萬有之上。便得聖寵。靈魂內得了聖寵。所作諸事。都爲天主。越加聖寵。加功勞。加永福之報。天主還施助寵。又能作功勞。聖寵是天主愛人之恩。萬善德之根。天主義子之光。像似天主。享永福之憑據。這等許多奇妙。都在靈魂內。這是超性之物。極尊貴。舉神人之



眾。天地之大。萬物之多。以聖寵較之。盡是輕賤之事。是以有聖寵者。須怕失去。若得大罪。便失去。寧可失萬般寶貝。不可失聖寵。若無聖寵。要痛悔己罪。懇求天主赦之。而賜此大恩。

于今要想。若有一個人守十誠。成四樞德等。又有三超性之德。如此之德。包含許多美麗。好妙。內而中正。外而端肅。所行合理。所施得宜。遵朝廷。守法度。孝父母。愛兄弟。敬長上。知報恩。重朋友。真誠仁。下哀憐貧苦。處眾有禮。溫良樂捨。遇難能勇。恒心不畏阻當。永於爲善。恒心望得所願。寬心行功業。受苦難。能忍耐。永心成善。大膽量行德。七情和平。飲食淡薄。身務貞潔。口出善言。五司不縱。衣服得宜。忻勤循理。謙讓純善。他

的心安靜。熱心愛敬天主。愛人如己。其思念在天上。不但不驕傲。不嫉妬。不懈惰。不畏懼。亦不大膽。不欺詐。善德都全。微惡盡去。若此之人。真是福者的佳像。如從天堂降來一般。是爲世界的光榮。萬民的師表。可愛而又可敬。世間稱爲福者。天主聖教。成就此人。必然升天堂。但須知其所以成。故人每日要加倍善功。得到升天堂。天主纔成全其善德。成全其光榮。成全其福。

眞福直指卷之下

天主深奧之理又罪之甚害第六章

天主惟一無二。既是自有。便無定期。無限量。必是無盡之美好。若有二。必不能有無限之美好。何故。此美好。不能包含彼美好。是爲有限。若都包含。就是惟一無二。又天主既主宰天地萬物。若有兩個。不免有時相阻。天地萬物就混亂矣。今既見天地萬物不混亂。必知是只有一個天主照管。

又天地萬物。俱有所安排。故水火氣土。四行相包。春夏秋冬。四季相輪。到其時候。使生五穀等物。十二重天相包。而輪分定年月日時。寒暑相

推。而歲序不差。是其中單有一主管之。使萬物各得其所。此明明可見。前所講者。都是天主所顯示。可信無疑。惟推論道理。即能明白。于今纔講。雖推論道理。亦不能明白的。何也。天主雖是一個。却有三位。第一位聖父。第二位聖子。第三位聖神。共是一體。聖父是天主。聖子是天主。聖神是天主。不是三個天主。蓋三位共有一個無限天主本性。天主聖父全能者。天主聖子全能者。天主聖神全能者。不是三個全能者。天主聖父是無限無量。無始無終。聖子亦是如此。聖神亦是如此。但沒有三個無限無量。無始無終。三位共是一全能。共是一無限無量。無始無終之體。此是超人之明悟。最精微的理。人雖不能明。却是合理。蓋天主既享

無限之福。若是只有一位。沒有相公共之福。則其福不全。亦不是無限量。今天主之福。既是無限量之全福。而預前依理指證。天主單是一個無二。既是三位一體。却總是一個天主。而有三位相公共其福耳。

又天主既賦各物能生本類之物。豈自己本性反無奇妙篤生的能。又各物發生。皆有本性模樣。如草木萌拆。飛禽卵生。走獸胎產。俱由本性之宜。則天主亦必有本樣純淨之生。如人想某物。明悟內即生某物之像。謂之明悟之產。明悟之子。此是依賴之像。又愛欲之司。發出愛情。此亦是依賴之愛。天主第一位聖父。自無始之始。識自己本性。本智本善。無窮之情。即其內生至妙之像。此是自立生活者。謂之眞子。其中諸精

妙。與天主聖父無異。斯爲天主聖子。卽天主第二位。聖父又自無始之始。視其所生聖子無窮之妙。聖子視其生己之聖父。至妙亦然。宜相親愛。而發無窮生活自立之愛情。斯爲天主聖神。卽天主第三位。而三位沒有大小之分。沒有先後之別。共是一體一性。

或問既有第一位第二位第三位。何爲沒有先後。答曰。先後有三樣。一是時之先後。一是性之先後。一是序之先後。時之先後。猶如樹中之菓。樹先生幾年。而後纔生菓。謂之時之先後。性之先後。猶如火發熱。而熱氣係出于火。但不受火之本性。故一有火卽出熱。斯謂性之先後。若序之先後。就是天主父子聖神。故聖子自無始生于聖父。其所受天主性。

是聖父本性。聖神發于聖父。併發于聖子。其所受天主性。是聖父及聖子本性。謂之序之先後。蓋天主性無限無量。包含諸般奇妙的性情。就聖父生聖子。是自有天主聖父性。公之于聖子。又聖父及聖子發聖神。是聖父及聖子自有天主性。公之于聖神。故三位共一性一體。吾人可想天主無限奇妙。不同人神有限之事情也。但吾人明悟淺陋。何能盡推測天主無限之奇妙。單可用小比方而已。如太陽有輪有光。有煖。三件共是一個太陽。光與煖。雖由日輪發出。不是在日輪之後。一有日輪時。卽有日光與煖氣。但三位一體極深之事情。是天主所說的。可敬信。不可疑。不可察。若不明白處。迨身後升天。一一皆明。

前既說天主事情。又已講天主生我人類。爲享眞福。指引眞福之路。今可講人爲何迷于世上邪樂。失却此路。少討眞福。即欲討眞福。又遇無數之阻滯。

天主生天時。卽生無數天神。多過古今後來的人民。都是甚全奇妙。本性之光。光過日頭。其能勝過總彙有形的能。集天下萬智者。與他相比。是如童蒙一般。天主賜他萬物之像。都明白。是純神。不雜形像。輕快神速。如起念卽到。其美妙。勝過諸形之物甚遠。天主又另賜他至大聖寵善德。又賜他超性的光。能知道天主是萬物之原。是聖寵及永福超性之原。但此時未曾見天主。



第一天神名露際弗兒。譯言始受光。因爲本性之光。勝過諸天神的光。此神奇妙。勝過諸天神之奇妙。他見自己奇妙事情。就生驕傲。自敢像似天主。要諸天神服他。諸天神三分中一分服他。二分不服。

初時聖彌額爾天神說。誰敢如天主。二分天神。依聖彌額爾的話。都服天主。天主就賜他們。得見天主。享無限永福。一分同露際弗兒。隨入地獄。爲魔鬼。受極苦之刑。其本性事情。依舊不失。但失聖寵。其惡包含萬惡。嫉妬吾人之福。只願人人俱染罪惡。但天主束縛他。不能施其毒害。只是誘引我們。天主不禁。爲加倍善者的功勞。若人不落他引誘。天主亦不許他害人。若人順他引誘。得罪天主。作其奴僕。故天主有時許他。

害人。爲罰人的罪。今纔講魔鬼。如何始染罪于人。

天主生萬物之時。第六日生亞當厄穢。是人類祖宗。滿他二人靈魂。聖寵善德。人的明悟。通徹天下之智學。又光照他。使能認得天主。五司七情。都服靈魂順理而無違逆。他的性情。向善遠惡。亦成他的肉身牢固。不辛苦。不勞倦。不冷不熱。無疼無痛。無病無死。不須耕種。地自發生百穀諸菓。以供其用。天主賜他爲世上諸物之主。命禽獸都聽其命。隨他呼喚其名。令亞當厄穢住福樂之地堂。是世上福樂所在。有一原泉。洩出四河。浸潤四方。生萬般佳菓。內有兩樣菓樹。一曰生命之樹。食這菓。補力益人之身不死。一曰知善惡之樹。此樹之菓。天主命人不食。是蓋

天主以順命之德。要成人之功。而定人類之福。故以容易守小事試之。即命亞當萬樹菓隨意食之。單知善惡樹之菓勿食。若亞當不食。每人在世上幾千年積功勞。後天主帶他升天享永福。若食之。犯天主之命。易沾天下萬苦而死。不得永福。但他不久在地堂享受其福。因邪魔嫉妬人之福。去引誘他。不敢引誘男人亞當。先去引騙婦人厄穢。就說。爲甚緣故。天主命爾們不食地堂的菓。厄穢說。地堂的菓。我們都食。單此樹之菓不食。食則死。魔鬼說。大不是。天主知道爾們食了。就像似天主。能明白分別善惡之路。厄穢遂信之。又見此菓好看。好食。就取而食之。亦送丈夫亞當。亞當明知食了。有害自己。及害子孫。但爲中妻之意。亦

受而食之。便得罪于天主。兩人就失原義。原義者是天主聖寵靈魂之光。萬善德之原。外面肉身所相宜之文彩。不須穿着衣服。一得罪就都失了。一見赤身。而知羞愧。便去取樹葉遮蓋。天主遂逐他出地堂。亞當厄襪卽時痛悔。自罰己罪。得罪之後。明悟昏昧。愛欲順五司七情所願。因此世人難于行善。所以天下有許多壞亂。而人遂遠于眞福。肉身易沾萬病萬難。而不免有死。禽獸反背逆。爲人的讐。地不自發生百穀。要人力辛苦去耕種。雖耕種亦不全盛。冷熱四行侵害。天下萬端患難。都由亞當厄襪犯罪發出來。如此罪之惡甚害極。其遺毒遠超諸般凶禍患難。而是萬凶禍萬患難之根原。因爲諸般凶禍患難都有限。罪之惡

無限。因罪之惡。侮辱無限至尊之天主。故侮辱是無限。若賤人侮辱尊貴之人。侮辱者愈賤。受侮辱者愈尊貴。則侮辱愈大。今既最賤之人。輕忽全能無限至尊之天主。則侮辱是無限。如此天主雖罰罪人下地獄受永苦。所受之苦。雖無終。還有限。不能盡罰所當受之刑。此見天主罰罪人永苦。亦用慈悲。可想天主至義者。罰了萬萬天神。只爲一個罪。逐出天堂。墮下地獄。受萬苦。爲魔鬼。不赦其罪。天主旣不免極妙之天神。不下地獄。我們淺陋之品。如何不怕得罪。亞當萬民元祖。一次得罪。亦不會作甚可羞耻之事。止是犯天主命。爲此罪之惡。天下萬苦難。萬罪萬死。皆由他罪來。許多人下地獄。都因此根原。今我罪人。豈敢無羞恥。

無怕懼。竟放肆作許多邪惡。

人得罪于天主。敢作全能天主之讐。可想人是軟弱。其身包含污穢。後日要死爛。倘一息存不死。係屬於天主。若天主捨置不存。一刻卽死。所存生命。所行百功。所賴用糧。盡係屬於天主。人比天主。如螻蟻至賤至微。如何敢得罪天主。做全能天主的讐。不怕墜落地獄。斐理伯智皇說。我不識得罪天主之人。心何以能安。我本國之人。若有得罪于我。常怕我責罰。心不能安。如何得罪全能天主。尙能安心乎。

天主至義。不免罰罪。罪人躲避不得。要走走何處。要藏藏何處。

天主無所不在。無所不能。若升天。有天主在。若下地獄。天主全能。于地

獄內罰罪。即飛至空中。超越于海。亦不能脫天主之手。或恃天主慈悲。後來赦他。敢去犯罪。更是無理可怕。天主既純善慈悲。越發該愛。如何恃他純善而爲惡。則是將天主慈悲。作罪惡之托賴。是極侮辱天主。要知天主至慈。與至義並行不悖。蓋天主無限善。故愛善惡惡。又哀憐罪人。要他改過遷善。而惡人不肯遷改。故不免加罰。

天主極愛人。願人享永福。每日賜人許多恩。人豈可忘恩。得罪于天主。天主至善至聖。是吾人真福之原。是無限美麗。天主先成人肉身。又從無中生成極妙靈魂。而合人之體軀。人所有的。所願的。都係屬於天主。豈有人敢用所受天主之恩。反得罪于天主。耳目手足肉身生命靈魂。

都是天主之恩賜。豈可用主之恩。逆天主之命。又罪是污穢可羞之事。如何人敢在至善至聖天主之前。作污穢可羞之事。人尙羞恥在人之前得罪。豈不羞恥在天主之前。爲那些小污穢之樂。些小利益之事。些小虛幻之光榮。種種放肆得罪。就是輕忽全能天主。眞如木偶。無知無能無善一般。

又可想得罪天主。有何利益。就失天主最尊貴之聖寵。失天主教子之分。作魔鬼之奴僕。失所望之永福。墮永苦之地獄。或說若失所望永福。墜入地獄。可望天主赦我罪。免下地獄。曰。失天主聖寵。豈是輕小之事。天主聖寵。比天下萬國萬寶貝。更大更貴。爲些小罪樂。失此大事。何敢



輕忽。人不甘爲好人之奴僕。怎甘爲醜惡魔鬼之奴僕。若說不是失承福下地獄。又大謬。若天主不加寵照于罪人。人用自己之力。不能痛悔。不能改過遷善。惟天主許允罪人。若一心痛悔必赦。並不會許等待罪人痛悔。亦不會許助罪人能痛悔。若待罪人痛悔。而加寵照。便是天主大恩。今爲望天主賜此大恩。敢得罪天主麼。若不會痛悔而死。豈不是失承福。下地獄。故聖經說。最可怕之罪惡。當躲避如毒蛇。

或說人有肉身。何能免得不受肉身之樂。曰。有人養馬。爲踢傷他麼。必養馬爲騎。何故養肉身反來傷害靈魂。况放肆于飲食邪淫等惡。肉身亦受害。生出多般疾病。又肉身不免下地獄。受永苦。若要肉身樂。可依

理。淡薄享受。照管肉身之樂。不可忘記靈魂之永福。永福中。肉身亦有分。靈魂若升天。肉身日後亦復活。享極大福樂。或說魔鬼引誘。騙我得罪。奈何。曰。知道魔鬼引誘騙爾。知道魔鬼是爾之讐。要拉爾下地獄。不是願爾好的。何爲順他。若爾不順他。他亦不能爲害。何故自甘許他騙爾。此等大事。當想若順他。受他許多害。未得罪之前。是天主義子。旣得罪。是賣自己。爲魔鬼之奴僕。未得罪之前。有天主聖寵。及萬善德。何故許魔鬼偷去此尊貴之事。前有天主義子之分。何故肯昏昧此甚妙之光。前靈魂內。有天主奇妙之像。何故許他污穢消滅。前有美麗。像似天神。何故許作醜陋如魔鬼。前有功勞。能得永福。何故許偷去如此重大

寶藏。前靈魂有潔淨之心。光明之眼。能想天主。何故許魔鬼弄瞎。前靈魂內。有天主萬福之原。何故放去。受魔鬼萬禍之累。前靈魂有生命。就是天主寵愛。如肉身得生活于靈魂。靈魂得生活于天主。何故肯容魔鬼殺死。斬斷這美妙的生命。

可知天主雖有無限慈悲。肯赦人罪。但不肯空赦。蓋天主有無限至義。人得罪要賠還天主。天主是無限尊貴。而受侮辱。若要賠還。亦要無限尊貴的受罪罰。賠還天主。若諸天神諸聖人。受萬苦難。必不能還補。必不可望天神聖人能補還我們罪。單可望天主無限慈悲。能救我們。故天主親自降來。替我們補還。愛我。願我終得永福。不肯補魔鬼的罪。惟

可憐我們賤人。故降來救我眾也。

天主降生贖罪完全人之福樂第七章

天主爲何故贖人罪。而不贖魔鬼之罪。一是魔鬼始初得罪。若天主贖他罪。我們亦望天主赦。益肆于惡。今見天主旣罰始得罪之天神。必不敢得罪。譬如朝廷定一法律嚴禁。犯者必殺。若赦初犯者。必無人遵守。一是魔鬼之罪。比我們罪更大。不可赦。蓋魔鬼之罪。是明知故犯。人之罪。是軟弱陷溺。又魔鬼明悟最光明。照徹罪惡。人則明悟短淺。又魔鬼無誘惑。無七情擾亂。是故意得罪。惟人被魔鬼引誘惑。七情迷亂。是迷惑得罪。又魔鬼是由高墜下。其墜益重大。一是三分天神。惟一分得罪。

壞了。不是一概都壞。人爲始祖的原罪染。人類全壞。天神旣大半在天  
上享永福。不須贖神罪。人類旣全壞。若不贖他罪。沒有人升天享真福。  
故天主哀憐人類。贖他之罪。將人升天。補天神之數。若不贖人罪。無從  
補人類之害。一是天神堅定不變。意定善。則恒心永于善。定惡。則固執  
永于惡。人心便容易改。所以天主補贖容易遷改之人罪。

可想天主如何贖人罪。此事超人明悟之外。人自不能想及。即想及。亦  
不敢望。不敢求。但天主自甘爲此。是天主聖父。付天主聖子于我們。天  
主聖子。自甘降來爲人。擔我們罪。替我們補還天主聖神。自甘行降生  
之功。此等大事最奇異。天神驚訝。魔鬼恐懼而嫉妬。蓋天主與人相隔

無限也。故降生爲人。有許多最奇之事。其一。全能天主。一命就生天地萬物。而贖我們罪。降來爲人。受許多苦難。其二。天主無限尊貴。降合于卑賤人性。援我們升天。其三。天主萬福之原。受我們苦難。賜吾人享永福。其四。至善至聖之天主。擔任我們罪。使我們能行善成聖。其五。天主降生爲人。做吾人之兄。替我們補還。此等大事。惟天主無限智能善籌策。亦惟天主無限慈悲能決行。我人及天神自不能想。此種洪功。比生天地萬物更大。吾人思想此奇妙之事。可明白許多天主事情。受大快樂。就曉得天主有無限美好之性。有無限施給之情。給付于吾人。施萬美好于人。又現見天主愛人無限之情。親自降來救人。又明見天主無

窮慈悲。替我們受難。免我們永苦。復看見天主無限至義。代受罪極大刑罰。爲補還人罪。復明白天主無限之奇智。用十字架最羞辱之凶具。轉成萬民光榮吉福。天主得無限尊敬。因爲天主降生爲人。真是天主。真是人。其人之性。既有天主無限尊貴之位。則尊敬天主。是奉無限之尊敬。並施給無限之功于萬民。此無窮之恩。由當初亞當厄穢得罪。天主親許降來贖他罪。後亦常示古聖祖。聖先知。及示外教把浪先知。及十位閨女曰。西比臘。要降生贖人罪。他們預前記在書上。說天主降生受難來歷。雖天主從亞當時。至五千一百九十九年。常許示降生。故許多聖人常望。但天主等到自定時候纔降生。今可講降生來歷。

是時有一閨女。名瑪利亞。其先係多皇子孫。天主滿賜萬善德于他心。選他做降生之母。遣大天神嘉俾厄爾。來報聖母瑪利亞。至拜慶說道。有福。天主選爾爲降生之母。聖母聞言。心中怕懼。說我許願守童貞。何能生產。天神曰。不由人道。但因天主全能神工受孕卽生。生後命名耶穌。聖母瑪利亞聞此語。合聖經先紀之言。乃謙讓曰。我是天主婢女。順其所命。彼時第三位聖神。用聖母純血腹中一命。就成孩身。時賦精美靈魂。合孩身成人性。是時天主第二位聖子。降合于孩子人性。故眞是天主。亦是眞人。因爲天主聖子一位。兼包天主及人之二性。受孕後九個月生。不壞聖母童貞。譬如日光照入玻璃瓶內。玻璃不破一般。生後



八日。遂依天神所報之名。命名耶穌。譯言救世。聖誕時。有許多聖蹟。是夜光明如晝。天神降拜。唱頌奏樂。報人叩見。異星顯示。三王見星。依波浪。先知所言。遠方來朝。

天主耶穌。爲指示世上沒有真福。在人間三十三年。自甘作困窮謙讓。不受天下快樂光榮。行萬善德。作人表樣。三十歲。出遊傳教。首說悔罪。因言天國真福將近。勸人不可戀天下的事。須求天上真福。又說。若得天下而失靈魂。有甚利益。用許多譬喻。提醒人心。不要眷戀天下的事。要安心向天堂永福。勸人云。求天國真福。如商賈見一大寶藏。在地下。賣盡家中財貨。去買此地。又如耕種之人。遇有石有棘茨。先要拔去。方

能生長。收穫豐盛。人心中先要去惡心之石。去貪財貨之棘茨。方能生長善德。收穫永福。又說。眼目手足。若是得罪之緣由。都要斷去。寧可無眼目手足升天。不可有眼目手足下地獄。非是真要斷去眼目手足。但有事物。是得罪之緣由。卽要斷去。雖是緊要如眼目手足。亦不可眷戀。又說。不可怕人能殺肉身。當怕能罰靈魂。連肉身俱下地獄。到底爲升天。要放去貪戀之心。克節肉身七情。如人要起一座大樓。先要打算用度。夠完成否。又如國王爭戰。有一萬兵馬。先算能與別王二萬對敵否。若人不放世界的貪心。不克自己的七情。心不能順理而行天堂之路。可知心中要立萬德至善。如起大樓爭戰一般。放去貪心。克節七情。這

便是用度。全成善德。便是兵器。能勝魔鬼引誘。

又吾主教人心裡立第一心願。世上專心服事天主。死後享天上永福。百凡諸願。莫外此第一心願。親定一經。求天主所能願諸事。先立心天上。所以經云。在天我等父者。始念經就認天。是我們永遠所在。天上有父。天上父之福。是我們大產業。既命我稱主爲父。是立我的志望。定准我們所向之福。有二分。一分在世上。所以經云。我等願爾名見聖。就是求開我們心。能明白天主至尊至聖。而愛敬服事他。一分在天上。所以經云。爾國臨格。是求賜我們到升天堂。享天主之眞福。又爲升天堂緊要有二。一是順守天主所命十誡。所以經云。爾旨承行於地。如於天焉。

就是求加寵照。承行天主十誡。如福者在天堂一般。一是所須爲生長作百功。所以經云。我等望爾。今日與我。我日用糧。此求包含甚大。靈魂及肉身所要。爲強勇能行百功。又升天堂阻隔有三。一是罪過。所以經云。爾免我債。如我亦赦負我債者。就是求天主赦我們的罪。但當知若我們不赦人罪。天主亦不赦我們之罪。二是魔鬼引誘。所以經云。又不我許陷於誘惑。是求天主保佑我們。能勝魔引誘。三是世上的患難。所以經云。乃救我於凶惡。此求包含苦難。及邪樂的凶惡。亞孟。是求天主准我所求。

另有指引升天梯有八級。第一。神貧者乃真福。爲其已得天上國也。不

說貧而說神貧。就是神內不貪世上事物。人能于世上思想天主。畧嘗真福之味。而升天堂見天主。全享永福。雖有財物而不貪。不是真福之阻隔。若其貧窮而貪。便是真福之阻當。第二。良善者乃真福。爲將得安土也。若人良善謙遜。則去虛幻之光榮。除真福之阻隔。第三。涕泣者乃真福。爲其將受慰也。涕泣者。就是悔罪克己。自行苦功。受罪之刑罰。去無理快樂之事。能受靈魂安慰之福。第四。嗜義如饑渴者。乃真福。爲其將得飽飫也。就是注向于善德之事。願望之切。如饑急食渴急飲。則天主賜其所願之善德而飽滿之。第五。哀矜者乃真福。爲其將蒙哀矜己也。謂人能成善。得享所望之福。須要天主保佑。若人慈憐他人。則天主

亦憐他。加寵照而能成善。第六。心淨者乃眞福。爲其將得見天主也。心淨即是無罪。則天主光照心中。如太陽光照水內。人在世上。能明灼思想天主。死後方能見天主享全福。第七。和睦者乃眞福。爲其將謂天主子也。就是心淨者。心中和睦克七情。外又同衆人相和。而極愛天主。其思念言語工夫。都只向爲服事天主。必其心不但潔淨。亦且和平。則天主益光明其中。必像似天主。如子似父。又如水。不但淨。而亦平。太陽光照其內。則水中有太陽之像。第八。爲義而被窘難者。乃眞福。爲其已得天上國也。是爲守十誡成善。甘心受惡人惱逆之患難。必其善德堅定不搖動。則其眞福亦定。所以吾主說。已得天上國也。已上所解說。是畧

述吾主耶穌所講教端。

聖教諸端。總歸二者。是愛天主萬有之上。及愛人如己。吾主說。聖教經典。先知所言。統屬於此二誠。而命宗徒傳于天下。作許多聖蹟証驗。立愈病人。命啞者言。聾者聽。跛者行。癱者起。死者復活。無算聖蹟。勸惡人改過。若即改。吾主耶穌良善仁赦。恕他。若驕傲不改。嚴義責他。所以驕傲的人惱恨。屢次要殺害吾主耶穌。但不能害。因不會到受難之時。及將到受難時。吾主耶穌預先與宗徒說要受難。釘十字架死。葬墓三日復活。後乃許惡人拿釘十字架。于今講受難來歷。吾主所行。各有無限功勞。無限還補。雖不受難死。亦能補贖萬民之罪。但爲顯見天主無窮。

之義。又罪過是無盡之惡。又爲顯吾主愛人無限之情。故要受苦難。補贖人罪。但于天主性。不能被傷。不能致死。受難而死。乃是人性。

時吾主耶穌。在日路撒稜府。是如德亞國京城。有一宗徒名茹答斯。順魔鬼引誘。貪財。與恨吾主耶穌之惡人相合。受三十個銀錢賣主。至夜。吾主耶穌先與宗徒說。今夜是受難之期。爾們中有一個賣我。爾們都走。說完。往日色瑪尼園內。離了宗徒。求聖父許久。血汗遍身。流下濕地。求訖。叫宗徒云。惡人來矣。適茹答斯引兵來。指交吾主與惡人。吾主耶穌問云。尋誰。惡人說尋耶穌。主曰。我是。諸惡人聽見我是一言。便皆驚走。傾倒于地。主又問尋誰。諸惡人復說。尋耶穌。主又曰。我是。若尋我拿



我不許拿我之徒。帶許多兵器何用。我前常在爾們中。爾不能拿。于今是爾們時候。惡人便拿綁他。宗徒都走。遂帶送古教官亞納及蓋法斯兩人。蓋法斯卽同下屬官商量。就來許多人妄証。告吾主耶穌。但所証又不合。吾主耶穌純良之心。如羔羊一般。不出聲。蓋法斯問說。今有許多人告爾。如何不出聲。主不答。蓋法斯曰。爾果是天主真子。主曰。是。爾們日後。見我在雲上來審世人。蓋法斯怒。裂己衣服。與眾官說。爾們聽見。這個人罵天主。不須用証告者。爾們如何說。眾官亦裂衣說。該死。眾便吐唾掌打。至倦方回。着皂役與爲難。皂役遮覆眼目。擊掌間。爾既是先知。可說今打爾是誰。這樣凌辱嘻笑。終夜不休。明晨眾官復來。帶到

外教的官。名般雀比辣多處。求釘殺他。比辣多問。這個人有何罪。眾官云。若沒有罪。我們不送來。依我們的教該死。比辣多曰。依爾們的教。憑爾們殺。我不理。眾說。我們不可殺人。他自稱王。引民謀反。又說是天主降來。比辣多聽這話心怕。謀反的事。明知沒有。預前察知多民擁他做王。他走避。但聽說是天主甚怕。欲釋放。又恐眾亂。彼時知道是加理勒亞省人。遂送黑羅得王。這是他所管地方。時黑羅得王亦在日路撒稜府。王久願見吾主耶穌。見主就喜。問主欲其作聖蹟。現前觀玩。主因他是惡人。又爲妄希聖蹟。亦不肯托賴他。總不出聲。王意不悅。輕鄙吾主如狂人。屬官俱恥笑。遂以白衣潔之。又送回比辣多。比辣多知古教眾

官嫉妬讐恨。故意要害他。又曉得民愛吾主耶穌。就同一大盜名罷臘把斯。指與眾民云。憑民選放那一個。眾官誘民。求放罷臘把斯。釘吾主十字架。忘恩的民齊聲大叫。放罷臘把斯。釘耶穌。比辣多曰。怎麼釘無罪之人。民又大聲叫。釘他。釘他。比辣多又說。無罪人必不可釘。但我爲順爾眾人意。將罰他。然後放。就命鞭打。皂役脫主衣服。綁在石柱。鞭打五千餘。主聖體全傷流血。後惡皂役做一茨冠。放在主頭上。持竹敲擊。透入腦內。血流滿面。假意跪拜。如朝王之禮。戲侮凌辱。起來又打。比辣多見受這般毒苦。想民或有哀憐之意。又指與民見說。人已至此。可以止矣。惡民叫。去去釘他。比辣多對眾洗手說。吾淨此義人之血。惡民答

應。其血在我們。及我們子孫身上。比辣多怕眾人亂。遂判釘十字架。就迫吾主自負十字架。行至加爾襪畧山。皂役脫其衣服。用大鐵釘釘左右手。及二足于十字架。當空豎起。又釘二強盜在兩傍。以凌辱吾主。眾復呪罵。是時日蝕。全失光明。吾主在十字架上。求天主聖父。赦諸惡人的罪。在傍一盜悔罪。求吾主云。吾主到本國記得我。主曰。我真說與爾。今日同我享眞福。吾主在十字架上三下時辰。後俯首死。全地大震。石破山裂。有許多已死之聖人復生。來見于許多人。主死時有一卒持鎗。刺其胸右。漏出血水。後有二弟子。解下主聖體。用寶香油潤澤聖體。將白布包裸。葬于石墓。以大石塞蓋墓口。古教眾官。知道主預說。死後三

日復活。發兵守墓。用印封墓口爲號。三日之內。聖體在墓。聖魂降古聖地獄。就是許多聖人聖女。在吾主未降生之先。望吾主將降來贖吾眾。孜孜爲善去惡。于吾主未受難先死。死後在于天主所定地下之居處。等候吾主贖人。開天堂門。纔得升天堂。吾主死之時。聖魂降此地獄。眾古聖。見吾主聖魂。亦即見天主性。就享真福。至第三日。吾主聖魂。與眾古聖出來。到墓內。聖魂進合聖體。遂復活。光明過日。出墓四十日。屢現見于宗徒。及聖人聖女。示看五傷。爲明白真正復活。可想天主極愛重我們靈魂。爲免下地獄。爲成靈魂之福。受多苦難。看吾主受許多勞苦。爲我們能得真福。可見世上有何難事。不可作。有何苦難。不可受。爲能

升天。我們必宜做本分。爲不辜負主耶穌這多苦難。無限功勞。若辜負天主。審判時越發刑罰。若人易得赦罪之恩。不可輕忽。因爲赦罪。係由吾主受許多苦難而來。

吾主耶穌旣成福者聖會升天第八章

吾主耶穌復活。屢現見于宗徒。及許多聖人。到四十日。同往阿理磯山。命宗徒往天下傳教。指引眾人眞福之路。付聖水于信者。又命待聖神降來。成諸徒善智。以能傳教。隨降福諸聖于眾目之前。徐徐上升。後有光雲掩蓋。吾主進入天堂。坐于聖父之右。天神恭喜敬拜。認是萬神眞主。時吾主帶古聖同升。開天堂門。預備各人眞福。宜各人功勞。後降兩

位天神。報宗徒及聖人回云。吾主耶穌。已到天堂。待日後又來審判生死者。

聖母瑪利亞。同宗徒及許多聖人。聚在一處求天主。等候聖神降臨。至第十日早。忽大風。房屋動震。聖神降來。有火光現出如舌。在眾聖人頭上。內光明其心。明白萬智萬學。此時眾聖心熱。極愛天主。而不怕患難。爲傳教天下。各能講萬國的話。還賜人七恩。成就人便能得真福。

第一聖畏恩。是怕得罪于天主。二仁愛恩。誠心服事天主。承行天主之旨。三識見恩。心能明白升天緊要事。四勇毅恩。能克升天的阻碍。五謀議恩。心能照明魔謬。使不能欺騙。六透徹恩。心能透達天主深奧事情。

思想天主。七上智恩。旣透達天主深奧事情。又熱心極愛。始畧享天主的福。這七恩。教中無罪之人都有。但有多寡之分。俱宜各人功勞。惟聖宗徒所受極大。可往天下傳教。吾主耶穌。成世上聖厄格勒西亞。就是諸教中人的會。主許躬親在其中常保存。定教化皇替主位。教會稱謂聖者。有許多緣故。一是爲吾主耶穌至聖。爲萬聖萬德之原。是首立的。而常保存。二是惟有聖教至眞至善。無一些差錯。三是用七撒格辣孟多。譯言聖事之蹟也。以施聖寵善德。于進教之人。四爲無數人守吾主之教。已得作聖人。升天享福。聖人中極大是聖古祖。及先知所望吾主降生。爲吾主之功勞。得了眞福。又聖宗徒。順吾主耶穌。學萬善。往天下



傳聖教。後有許多聖人聖女。爲守聖教致命。受多苦難而死。又有許多聖人主教。傳教訓人行天堂之路。爲萬善之表。又有許多撒責爾鐸德。孜孜行善。指引人眞福之路。又有修道許多人。或在山中。或在各處本會。苦責自己肉身。修成萬善德。又有最多閨女。守童貞。身在世上。潔淨如天神一般。極愛天主。專心行萬善。亦有諸般皇王公侯。下及庶人。已造至善升天。享萬福。亦有許多罪人。改過遷善。甘行多苦功。罰自己之罪。後成極大善德。又天下現在。尙有最多成善者。爲萬善德之表。所以天主教會稱聖。亦稱公。以其包涵萬國。諸般人都是一個會。都是信天主之教。蓋天主是生天地萬物。天下人都該敬該愛。須守天主教。方能

升天享眞福。

聖母瑪利亞。是諸天神聖人聖女。極大尊貴的主母。諸神聖皆謙恭敬服。歡心奉事他。雖大聖功勞。比聖母功勞。猶如一滴水與海比一般。天下誰人能選擇成就自己之母。惟天主降生能選合自己意。成就母親。今天主旣是全能全智。必能成就母親尊貴的德。天主之母。品位旣是無限。天主必施大聖寵。大善德。同其位能相稱。又聖母從始孕母胎時。天主卽施大寵祐照其心。能明認愛敬天主。因聖母專心極愛敬天主。從母孕到死時。無時不加倍愛敬天主。因聖母受寵祐極大。又常作本分。成善德。則聖母積功勞。到極高榮處。

可知天主選擇聖母瑪利亞。不但爲做他降生之母。亦以吾教中人爲天主義子。主定聖母爲吾眾慈母。賜以母德有愛情于吾人。常管顧吾人行天堂之路。得真福。常爲我們求天主聖子。天主必不拒。都准聖母所求。

聖母瑪利亞。哀憐吾人。不但爲其心仁慈。亦因知道極中聖子之意。蓋天主旣降生爲我們。選他爲母。做吾人之倚賴。聖母亦知道聖子受難而死贖我眾。所以懇求天主爲我們。能得真福。不辜負聖子萬苦。聖母雖極怒人罪惡。然不怒罪人。常爲罪人所倚賴。轉求天主保佑。改過遷善。故稱慈悲之母。天主亦願我們愛慕聖母。求其托賴。故雖爲我們罪。

不准我求。但聖母求主爲吾人。無所不准其求。所以我們該望聖母。懇他轉求于天主。爲吾眾人。

教中有諸聖相通功。是如人身體。有首。有百肢。首就是吾主耶穌。百肢是教中萬民。吾人與耶穌。是如一體。故由吾主降聖寵洪恩。大德于眾。又教中人有相通功。通功有三。一是天堂聖人聖女。與世上人有相通功。他原是我們良善兄弟。自極愛吾人。常求天主保佑我眾。而旣在天堂極尊貴。是天主所極愛的。則我們亦該愛敬他。懇祈轉求天主爲我們。又聖人聖女。在世上時。亦有肉身。受許多苦難。遇許多誘惑。如我們一般。但他已克勝魔鬼。直行天堂之路。爲善德之表。則吾人立志成善。

亦得享真福。二。靈魂在煉罪地獄。同教中人在世上。有相通功。我們求天主。聽彌撒。施窮人。行苦功等功勞。能安慰他。能救他升天。他們既是天主所愛之靈魂。亦求天主爲世上人。天主必准。三。我們在世上。既是天主義子。亦是兄弟。雖極相遠。有相通功。爲善念經行苦功。施濟貧窮等功勞。凡無罪人。俱有分在內。又天主看無罪人之功勞。哀憐罪人。保祐能悔罪。得聖寵。

于今可算聖教中人。既是天子義子。聖人兄弟。不可放肆違理。須自家羞愧。因爲不似至善至聖在天之父。在天之聖兄弟。同是行天堂之路。聖人聖女先到。已享真福。若我們依他行。亦能到。亦能得享真福。聖人

勉強克勝魔鬼。吾人倚天主聖佑亦能勝之。聖人之勝。不恃自己之力。是倚賴天主成善。天主強壯他們。能行善而賞永福旉施。須求天主。強壯我們。方能行善。受永福的旉施。人雖有多罪。托全能天主。能痛悔罪過。成極大善德。若天主光照人之心。引吾人善行不可怠緩。當熱心謝天主。孜孜爲善。

教中有七撒格勒孟多。譯言聖事之蹟也。都是成人之善。而施聖寵。助人行天堂之路。一。領聖水。是始進聖教時。領聖水。此有多恩。一。盡赦前罪。二。受天主聖寵。三。做天主義子。四。靈魂內。受吾主耶穌弟子之神號。天神見之敬愛。魔鬼見之驚怕。五。聖教會。神寶藏中有分。領聖水之先。

要痛悔己罪。痛悔者。是心內激切真情。追想所行。恨自己罪。悔罪有二。一是極善極真之痛悔。就是爲天主。是全能極大之主。有無窮美善。賜我們萬恩。必然極可愛。想我既得罪于天主。而今爲愛天主萬有之上。一心痛悔。堅心定志。再不敢犯天主之命。望赦我罪。求保佑我能改。此是孝子之悔。一是痛悔爲怕天主罰我下地獄。而失永福。此是奴僕之悔。若孝子之痛悔。如爲子者見自己差錯。得罪父母。怕惱着父母。不是怕父母責罰。爲愛父母。痛心跪在父母之前求赦。若奴僕差錯。止怕家主責罰。亦痛心求家主赦。此是奴僕痛悔。

第二。傳聖油。就是主教所傳的聖油。于靈魂之中。印天主的神號。譬之

充兵者。各有印記。俾不至溷淆無別耳。又強壯人靈魂。能爭勝三讐也。雖人肉目不見其神號。魔鬼却看見而畏懼之。或問。靈魂有何三讐。答曰。一。肉身。二。世俗。三。魔鬼。肉身用五司七情。引動人心。順邪樂。世俗用光榮。財物。邪俗。引人心作非理之事。魔鬼與肉身世俗相合。引誘人行萬惡。若是肉身誘惑。須守齋勉行苦功。方能勝。若世俗引誘。可避棄世上之事。卽能勝。若不避棄。須仔細堅心。爲世上好事。斷不作非理事。若魔鬼引誘。須思想四末。死候審判吾主苦難。及天主事情等。而求天主保佑。方能勝。

第三。領聖體。聖體養靈魂生長。生是受聖寵。長是加功勞。加善德。亦加



聖寵神力。使能行天堂之路。

第四。解罪。若人領了聖水。又得罪。必要解罪。方能贖靈魂。不作魔鬼之奴。又能向真福。

第五。終傳。就是臨終傳聖油。助人善死。以能死後升天。享真福。

第六。品級。就是天主于靈魂內。印神號。分開聖過許多位。到能祀天主。做彌撒。代天主赦罪。謂撒責爾鐸德。

第七。婚配。定一夫一婦。不得休離。此是爲傳人類。賜能生子。及相和好之恩。又消滅邪淫的情。但婚配雖是合理之事。若有人倚賴天主。肯守貞。越發好。以潔淨之心。專向服事天主。行真福之路。倘若不能克己守

貞。必須婚配。

這七撒格辣孟多。若詳細解。要另載一書。今不過畧講。爲明白聖教中諸規矩。成就人之眞福。

聖厄格勒西亞四規。一是瞻禮之日。聽全彌撒。停止百工。聽講天主事情。此規同天主第三誠相通。但聖厄格勒西亞定所當守的瞻禮。又定善守規矩。二。解罪。至少一年一次。三。領聖體。至少于吾主復活瞻禮領。四。守齋。是聖厄格勒西亞所定之期。齋有兩樣。有大齋。有小齋。小齋是斷禽獸諸味。若水族。及蛋爛俱不禁。大齋亦斷禽獸之肉。單中飯一餐。晚畧用點心亦可。

或說聖教齋不純淨。佛教齋更純淨。答曰。凡行善德要分開真與假。若合理是真善德。若不合理外面雖甚好。必是假善德。今可審聖教齋與佛齋真假。聖教齋奇妙有六件。一是齋爲中天主意。成善德。二是依理克節肉身。爲服理而不傷力。爲能行百工。三克肉身七情。絕邪樂諸慾。四清淨明悟。能思想天主事情。五化肉身滯氣。免生病。六若人長齋。不致傷身。而能行之合理。憑人長齋。若長齋以致重害肉身。不能行分內好事。不但無功。亦且有罪。如孕婦乳兒。若長齋或壞胎。或小兒瘦弱。不免有罪。如此等事。不合事理。不可齋。但須淡薄。卽不齋常要用。

佛齋惡事有八。一是齋爲佛。無功勞。還得大罪。二雜信輪迴謬說。三生

驕傲。誇己食齋是好人。有許多功勞。輕忽不齋之人。四。固執似理之邪說。五。大抵頭腦空虛。難思想好事情。六。大概傷身力生病。七。不用淡薄。多食不節。八。遮蓋惡事。要人信他。易騙人。如此齋不合理。不是潔淨之齋。若聖教會齋。真是潔淨合理。都是要人爲善。或問。若有力能嚴守長齋爲天主。何爲不可。爲何強我斷長齋。答曰。此理甚大。人若真心齋素爲天主。不信以前守佛之齋有功勞。則長齋亦可。但多有不肯開齋。爲不失前時奉佛功勞。則仍是信佛。不但沒有功勞。亦有罪。若眞知前齋差錯。無功勞。不拘何物。即開前齋。有何難事。隨後長齋爲天主亦可。更有無理之長齋。到人家茶亦不食。爲怕葷油。而不怕爲惡。人當分開善

惡。善的要順從。惡的要除去。不可爲虛僞事所惑。

已上八章之說。見天主教。皆是成人能享真福。可自揣之。該領天主教否。須仔細看過所講道理。有疑處可到天主堂問。方能明白無疑。還有二章。一。講不領天主教。或領而不守。死後何如。二。講守者。死後又何如。

### 天主罰罪人死後永苦第九章

世人怕死。大概不肯聽死之言。亦不肯想死候。若如比免得不死。亦不甚差。孰不知死是人生緊要之事。當想永防備善死之路。不然是最大差錯。人須想死時。世界之事。帶不得一毫。享世界之福。多不得一刻。如此想。便不貪世上事物。便心向永福。若人不想死是緊要的。必是魔鬼

騙他。不肯改過。故天主屢令死者現在人之前。使人驚醒。想我不免至死。世上事物。都要放棄。赤身出世。亦必赤身離世。或今日。或明日。必要離去。人在世間。如浮海上。明日要到甚麼岸。有何好所在。防備爲安居之處。或上天堂。或下地獄。不可怕想此事。豈有想就死。死之時候。天主定了。想亦死。不想亦死。不能寬延。雖遇許多難。不到死時必不死。死後要到永遠所在。此路甚長。必要功勞的神糧。纔能得到好居處。若怕後來永苦。今在世防備善死。方能免永苦。而得永福。死後則不能矣。若不曾進教。當速進之。又得罪于天主。速速改過遷善。若有重病。頭一件事。要管顧靈魂。若不會進教。須速領聖水。若已進教。速痛悔解罪。又不可

信佛道邪術等事。錯求長生。反得大罪于天主。死必下地獄。受永苦。人常想死候。防備善死。必不怕死。蓋善死是移家。放棄世界貧賤家。移到天堂。享永福。

假如靈魂已離肉身。停止一頃刻。看世界之事。都已去了。財物妻兒親戚。永遠離別。快樂光榮。俱窮盡無有。見肉身仆委不動。五司不覺沒用。家人慌忙收殮。靈魂赤光無伴。到在永世之始。如在無量大海之邊。要過不知去向。世上事物都不見。只見此無量大海在前。此時悔已得罪。作不得功勞。免不得要去天主面前。審判永福及永苦。係屬于此時。頃刻之間。但見許多魔鬼。許多天神。帶靈魂到天主面前審判。魔鬼首告。

護守天神保衛。呈其功勞。主審在世所想。所言。所作。不但審惡事。若爲外善。而內有惡意。亦算惡。若懈惰爲善。可做不做。一概都察審。可想那時驚惶恐懼。莫可名狀。慈悲之時已去。嚴義之時方來。求不得聖人聖女。倚賴不得聖母。吾主聖血責詰。蓋吾主受難散血被釘死。爲人能升天。因不改過遷善。辜負吾主最大苦難。無限功勞。此等事真可怕可驚。聽吾主判斷。若判下地獄。魔鬼搶他。頃刻就拉下地獄。若判升天。天神歡喜。帶他升天。必須預先想。方能免下地獄。

世界窮盡。又有公審判。通古今衆人。一齊在天主面前審判。使衆人曉得。善者所宜賞之功勞。而讚美。惡者所宜罰之罪過。而鄙賤。蓋世上善



者多受凌辱。惡者反有光榮。必須一一受報。令眾人都明白。天主至公無私。又肉身成善作惡。與靈魂相幫。亦當復活受報。又有許多善者受刑罰。如強盜。惡者外面粉飾。人以爲善人。必當有光明受報。又爲吾主在世上時。受人侮辱。被判釘死。所以甚光尊榮極顯極盛。降來審判生死者。今可講公審判來歷。依吾主預前說道。

當時預見世上相亂相殺。國與國爭。家與家叛。父子相仇。兄弟相殺。天下災荒。人多饑死。瘟疫盛行。死者無算。全地大震。海水流溢。人民淹沒。天變屢見。異星多現。雷電震擊。然後天降大火。燒滅天下樹木。山石禽獸。魚鱉人民。俱化作灰塵。然後天主命天神吹號。積萬民死灰。天主將

各人死灰。復成各人原身。命各人靈魂。進合原身。俱即復活。但靈魂先在天上者。帶永福之光。進合己身。發光于身。光過日頭。靈魂在地獄者。帶永苦的火。進合己身。燒身內外。赤紅如炭。皆到審判之處。待吾主耶穌來審。天神分開善者在右邊。與諸聖人光榮同一處。惡者在左邊。與諸醜惡同一處。善者歡心唱頌讚謝天主。惡者涕泣自苦。切齒自恨。善者喜悅。望吾主降來。惡者失望。俯首悲號。願死死不得。善者同惡者說。爾們在世上所享的快樂光榮。都輕易過了。如風烟一般。惡者看善者說。我們真是顛狂無忌憚。輕忽此等尊貴之人。于今看他們天主義子中。天堂聖人間有分。眞見我們差錯。此時大天神。聖彌額爾。先帶十字

架來。惡人看見十字架。只得叫苦。因爲是惡人侮逆的聖號。善者見之。歡心敬拜。後各品天神。次第而來。隨後聖母瑪利亞。大光降現。吾主耶穌。越光降臨。吾主旣到。正坐審判。平坐聖母宗徒聖人。一齊同審。彼時各人善功。人人皆知。各人罪過。人人俱見。是時吾主命善人升天。說福者來。同我升天。享我聖父所爲爾齊備榮福。享爾生時所最願之福。享爾久所愛見天堂之美妙。爾在世時。受難涕苦。于今可享受永福飽飫。惡人見善者。受此榮福。知己爲世上些小樂利。失此大福。心中甚悶。自罵。自願死滅。時吾主耶穌對惡者說。禍者遠離。我生爾爲享真福。爾乃放肆。惟求穢樂。猶如禽獸。我爲爾受難。被釘死。爾輩忘恩。都輕忽我。禍

者遠離。我的聖血五傷。判爾們離開去。下地獄火中。永苦無窮盡。因爲爾見我饑。不食我。見我渴。不飲我。見我赤身。不衣我。見我病。及在囹圄。不顧我。不安慰我。今且不講爾們污罪。單爲不憐我。該下地獄。惡者說。我主。我們何曾見主饑渴。赤身。在牢有病。吾主說。爾們不憐貧窮人。卽是不憐我。吾預說。爾們施與窮人。卽如施與我一樣。速離去。卽見地裂。惡人墜入。吾主耶穌同善者升天堂。于今纔講地獄之苦何如。

無人能盡講得地獄之苦。天主有無限之義。罪惡至甚。罪人忘恩。敢犯十誠。輕忽全能者之命。辜負吾主聖血無限功勞。當受罪之刑罰。罪惡旣無限。故其所當之罰極大。天下萬般患難。百般病痛。萬般苦刑。俱是

地獄中痛苦之影。屢有地獄之靈魂。天主特使現與世人看見。傳講極可怕可驚之苦。有一個罪人死了。去天主面前審判。天主哀憐他。賜他去看地獄之苦。後命復活。改過。罰自己之罪。他作許多刻苦大功。所講地獄之苦。甚是可怕。有許多國王公侯。富貴及幼年之人。聽他所講。見他所行苦功。寧願棄國家。棄財物。棄世上榮福。去野地。行最刻苦之功。求免下地獄。我今依聖經及許多聖人所說。畧述地獄之苦。

地獄在地心中。最黑暗。最污穢。可怕的去處。烈火充滿其中。萬臭所積。萬苦所聚。無一息止停。且火鍊內外。緊縛形體神魂。轉動不得。閉眼不得。伸氣不得。悅心之事。想不得。常懷着諸般傷心之事。同處者都是惡。

人邪魔惡鬼相恨相罵。又自惱恨。自摧殘。魔鬼發怒。甚于獅虎。凌辱殘傷惡人。沒有止息。萬般可懼可驚之事。一齊眼目常見。爲罰在世妄視所受之樂。耳聽苦叫。慕擊轟烈。百般傷耳聲音。鼻聞諸般穢氣。口啖苦臭污毒。萬種傷口之味。腹甚饑餓。火充五臟。口最焦枯。滴水莫潤。火海流入。喉肚吞咽。

吾主耶穌聖經中說。有一富人。身穿美衣。日日宴飲爲樂。諸般之福享盡。又有一貧人。身生麻瘋。在富人門前乞食。願乞他食所餘漏落之物。富者不哀憐他。不與他食。犬尙舐其麻瘋之傷。及富人死。魔鬼帶他靈魂下地獄。快樂消散。所受萬苦楚。沒有盡頭。那貧人亦死。其萬苦已完。

天神接他靈魂。到古聖亞巴耶所享福處。這富人在獄火中。口極焦渴。天主使他得見那窮人的福。便呼號古聖祖亞巴耶說。祖父可憐我。乞着那麻瘋。以指滴水。潤我喉舌。亞巴耶曰。子須記在世上。受百般快樂。這麻瘋。又當百般苦難。今須爾受苦。他該享福。亦兩處所在。沒有相通。這富人口渴。致萬萬年。欲望一滴水。永遠不得。這貧人在古聖人所。後同古聖人升天享永福。其苦難都沒有。其萬福沒有窮盡。又惡人在獄。身體五臟。骨髓腦內遍身。都是火充滿。毒蛇猛虎之害。刀鎗倒戟之苦。百般傷身處。無一不受。萬苦齊加。永遠被害。沒有一刻停止。即願死滅。亦不可得。所以謂之永死。這百般苦難。猶是五司身體所受。若靈魂苦。

難。更難以言盡。記含亦不能記快心悅意之事。而百樣憔悴。一齊永記在心。所記得生時快樂光榮。明知是萬苦之根原。益加今所受之苦。明悟常推憔悴。無有了期。萬苦不能窮盡。不能一刻撒開不思。愛欲充滿怨恨。憔悴嫉妬忿怒之情。極傷其心。未能望一刻之安。亦不能願一些好。一些樂。常願死滅損壞。恨人恨己。恨天主。火透入靈魂之體。極受慘傷。沉燒甚苦。百般苦中至大者。是失天堂永福。明知在世上時。若肯積功勞。俱能享得。乃爲穢樂失了。必然增加所受萬苦。蓋罪人在世之時。迷于天下之事。不想願天堂之福。到死後沒有世事遮蓋。不能不想。不能不願永福。且知是眞福。能滅他今所受之萬苦。更極相願。既不得望。



便呼號痛苦。益加其苦。故此苦最大。

前說諸苦。都是永遠。沒有窮盡。既入地獄。總出不得來。將江湖河海。分作滴流。萬岸細沙。萬億草木之葉來算。許多年都有窮盡。惟永遠之苦。無窮盡。如萬重之山。常壓在背上。轉動不得。雖經過萬萬年。不但不過去一些。亦全不轉動一些。人誠能觀此。則世上有何快樂。有何光榮財貨。能引誘人心。敢去犯罪下地獄。世上有何苦難。有何羞辱。有何貧困。不可忍受。以免下地獄。假如有人說。此條路有強盜。人必信不敢走。今既是至真天主說。不可犯罪。若犯罪。不免得下地獄。至于信而尙敢犯。必是喪心的人。可想世上快樂光榮財物。都是頃刻。地獄之苦。更是永

遠。由此觀之。爲世上暫樂。而當受永苦否。

天堂永福畧講第十章

畫天地于小紙。難畫得明白。雖是難畫。亦有畫天球者。有天與日月星辰。亦有畫萬國圖者。有國省府州縣。但所畫天球。有天而不動。有日而無光。有月與星辰而無清氣。所畫地圖。有地而不生產。有國省府州縣。而空虛無人。若要畧講。天堂之事。越發難講。蓋天堂不發現。世上沒有人得見。若依聖經說。是如天球萬國圖所畫的一般。不見之事。人亦難明。則天堂之事。人何得言。吾人話能解說世上事。若要講天上事。沒有言可解。聖經所說。都是譬喻。都是隱語。如對鏡看物。像在鏡內一般。聖

女嘉大利納。天主使他畧見天上些須事物。將說與人知道。就憔悴下淚。故見所出之言。低隱所見之事。聖保祿宗徒說。天主賜我見天堂。不知是身在。或是神在。所見深奧事情。人不能講。因爲世上沒有言語。能解明是事。聖若望宗徒。天神帶他到一處。指引天堂形之所在。後記在聖經內說。我見一府最廣大。其城寶石砌的。各門全是以一寶珠作的。所踐的地。皆是金寶。光如水晶。都是用譬喻來說。真實天堂的事。越發尊貴。可想天主棄置地下寶石金玉珠于海內。如全無用之事一般。地爲禽獸所居。天主使罪人在世上。如流徙。令改遷。而主成天堂爲福者所在。爲顯現天主光榮。則天堂所收聚。必是萬般奇妙之事。世上事物。

如以卑地比高天一般。地上事極輕賤。天上事極尊貴。可惜世人辛苦。只爲世上之事。而忘天堂之福。合萬國君王。公侯百官。尊貴光榮。比不得福者光榮些須。因爲都是地上之事。比天神聖人在天。見天主享福。如天淵之隔。

視天堂之福者。滿萬善德。無一點瑕疵。故無相欺相恨相忤。盡是相和相愛相敬。見他人福樂。如自己福樂。又無病苦愁悶。窮困羞慚等患難。無驕傲鄙賤。嫉妬等邪情。雖有大小不同。其福滿眾福者之心。譬喻器皿。在海中盛水。大小俱滿。福者功勞大小。都在無窮福內。都充滿。猶有餘福。故聖經內。天主同福者說。極思善者。進爾主福內。謂在天堂者。不

但福入其心中。乃是他入于福內。以餘剩的福。尙無盡也。

又有吾主耶穌光榮萬福。傳施于福者之心。及聖母光榮。悅諸神諸聖之心。及天堂內。聖古祖。聖先知。聖宗徒。其致命者。主教者。各品聖人聖女。其尊貴光榮無比。且俱相愛。相恭喜歡心讚美天主。如此光榮萬福。都是永遠。沒有窮盡。假如無別福。單是在諸福者同住。相通公其福。亦該放棄世事。專心向得此福。况前所講不過是外福之一小分耳。猶有無盡全福享受。

今講外五司的福。目常見無量光彩美麗。又見吾主耶穌極大尊貴美麗。見聖母瑪利亞光榮。見諸般好看之事。是眼目的福。耳聽諸般奇妙

之好音。悅樂于心。亦自能作奇妙音樂。今人聽世上好音樂。心中喜悅。忘食忘憂。則聽天堂妙樂。猶不謂其福乎。鼻聞萬種馨香。絕世馥郁。口不須食。但常存超性奇妙萬般美味。肉軀百肢。透徹純喜。暢適愉樂。這是肉身極大奇妙之樂。天主又賜福者四身軀之美。一是無疼痛。不病不死。不勞倦。不得受傷。不冷不熱。不渴不饑。苦難不及侵害。二。光明。光過日頭七倍。而光自內出。由靈魂之福發于肉身。肉身五臟。筋骨脉絡。都顯異光。身體某肢爲主受難。其光越大。三。輕快。如起念要到某所在。身即至之。上下諸方迅速即至。而總無倦。四。神妙細微。雖閉戶能入。沒有阻碍。能透石山中大小等物。而無痕蹟。

靈魂三司益見奇妙。記含含諸般悅心好事。明悟思念萬般能樂其心。諸美好盡識。萬智學盡知。又天主內見。親友所行之事。爲彼祈求。若准故樂。即不准亦不慍。蓋福者之樂。定是承行天主旨故也。愛欲所愛萬般。都齊享受。諸福者有永福冕旒。外有致命者。傳教者。守童貞者。三冕旒。若有超邁之德。又有盛德光號。往往受外來的樂。如在世相愛者。受天主恩。福者知益喜。或見天下有某聖人。瞻禮喜樂。益生已樂。前所講福樂。比享天主的福。都是微事。而前所講諸般福。都由享見天主的福發出。此等福未必人能言。卽言之。亦不能明知。惟在天堂福者。能明見之。

靈魂升天。天主全成他。賜之超絕萬善德。盛滿甚大純淨之寵愛。又賜永福之光。加其靈明。此是超性全備之光。照耀靈魂。能明見天主。靈魂得見天主。就滿萬福。享天主無限美好。聖經說。天主是萬美好于眾福者。天主本無限美好。是各福者之萬美好。是福者之命。是無量樂。無窮光榮。無限寶貝財物。無際永福。可知福者之眞福。不但是天主所生奇妙之物。就是天主自有本福。蓋天主透徹靈魂之體。全成他的福。聖經說。福者像似天主。因見天主如是。卽是一見天主本體。天主通達靈魂。光在其中。魂就顯光似天主。比方太陽照鏡。鏡的本體。顯光如太陽。天主光既照福者靈魂。靈魂本體滿主福。顯光似天主。故聖女嘉大利納



說。用天下之話。講天上之事。真是污穢永福。無限美妙。聖保祿說。天上深奧事情。人不能講。

夫既如此。可想世上之福。比不得永福。天下萬樂。都是鄙陋。萬珍寶。都是微塵。世間光榮。比福者光榮。都是可愧。聖經記一故事。亞思物囉國王。要賞瑪而多勾的功勞。命他服王之衣。騎王之馬。使大臣執韁。遍遊京城。且命高聲呼叫。此乃國王所最顯耀之人。故可受此光榮。今對視全能天主。所令顯耀之人。得至極至大之榮貴。不衣王衣。但被天主萬福之光。不騎王馬。但坐永福之寶座。不使大臣讚美。但天主親顯揚他。不是京城內世人面前。却是天堂內。諸天神聖人聖女面前。不是一時。

尊貴。却是永遠光榮。不是口頭外面的讚美。却是全體充滿的榮福。如此尊貴。天主所肯顯耀。就享全福。是諸福一齊俱受。全身五司。靈魂三司。都一齊滿。而不能失。且永遠沒有窮盡。若將年算。雖億萬年。都有窮盡。而永福總沒有窮盡。聖經說。在天主之前。千年猶如昨日一般。蓋所享無限樂。充滿靈魂。雖過萬萬年。享受總不厭。還願領受。所以聖經又說。天神願看見天主。雖是常見。越發願見。于今可一總講福者的萬福。天下人雖有許多好事。不能一齊享受。天上萬福。都是一齊享受。可見由靈魂所發出肉身之福。極大美麗。肉身百肢相稱。都有所宜。顏色。視聽。言動。俱有奇妙佳趣。其光明極悅目。能牽繫人心。而又無苦無傷。無

死。享肉身所宜諸般善樂。輕快如人之起念。光過于太陽之照。頭常戴  
永福冕旒。日常看奇妙形像。耳常聽天上音樂。鼻常聞萬種馨香。口常  
存奇妙珍味。內司收百般奇妙之像。全身極是可愛。極是可敬。靈魂受  
滿萬福。記含常記得悅心之事。明悟常明萬智學之全。愛欲常享所愛  
美麗。天主無限之福。通達靈魂本體。如此肉身及靈魂一齊享受萬福。  
且又永遠無窮盡。所以達味德聖皇說。看所望天堂之福。世上不見有  
可愛之事。是謂珍寶快樂。光榮大權。比天堂之福。都是輕微之事。聖意  
納爵。每日看天幾個時辰。下淚嘆說。看天之時。惜地污穢。方濟各聖人  
說。所受許多苦難。所做苦功。是我樂。爲享所望甚大之福。聖女德肋撒

極願死。慕戀升天堂。每云。死爲不死。望死死不得。是如死之苦一般。而求天主許我死。或若不到我死之候。許我受許多苦難。爲加倍升天之功勞。厄日地阿聖人。聽見天福。屢次重言。天福天福。即人神忘形。聖人而咱畧國公。在山林忽聽奇妙清音。隨聲而行。到一草蘆。見個腐爛。瘋之人。問其人。此處誰唱。答是我唱。聖人說。爾滿身受許多苦難。怎麼能唱。答云。我見這肉身爛將死。我的神魂。可脫去升天。豈有不可唱。如人在牢裡。見牆將傾倒。必喜樂可能出來。

這是所能畧講眞福。但天上之福。惟福者能明知。凡看此書者。須想天主生人之意。不是爲享世上輕暫之福。是爲享天上之永福。世界有甚

事。能牽繫人心。人在世上。是被流竄。同禽獸居處。有何快樂。能悅其心。有何苦難。不可甘受。爲得永福。吾主耶穌受許多苦難。爲備吾人之福。豈有吾人不可受些須苦難。爲升天享永福。諸聖人受許多苦難。于今享永遠之報。當時棄去世上財物光榮快樂。今得齊享天上全福。無限光榮。無窮之樂。若人願得聖人所享之福。要走聖人所行之路。世上之事。不可留戀。須慎觀吾人之福。是天上永遠榮福。而當恒心行天堂之路。譬之天子。召士人進京。授顯職。必然速去。途中常想所望受光榮。如此吾人須恒存心。天主叫我升天。該孜孜汲汲行天堂之路。常想所望天上之福。心中該感謝天主厚恩。必然可得真福。而享受于無盡矣。一

切所講者。願留心聽之。

眞福直指卷之下終

24

742132

24

742132